



05889

倉史卷四十三

東吳王初桐王陽篡逆  
蘭陵孫星衍淵如校刊

文墨門一

學術

錢忱妻瀛國夫人唐氏隨其姑長公主入謝欽聖向  
后於禁中先有戚里婦數人在焉俱從后過受釐殿  
同行者皆仰視讀釐為離夫人笑於旁曰受禧也蓋  
取宣室受釐之義耳后喜回顧主曰好人家兒女終  
是別 揮塵後錄

倉史卷四三

一

則天后持臆說作為十九字當時用之天作丙地作  
壘日作回月作冏星作○君作風年作垂正作舌臣  
作恚照作墨戴作贏載作夷國作圀初作夤證作鑿

授作贛人作至聖作壘生作匡 宜和書譜及金薤琳

日唐史則天自制十二字余攻東觀餘論跋華嚴經  
一段乃復有證聖等字以是而言則武后自制之字  
其數不可知學林日集韻載則天自制十八字於唐  
史十二字之外復有六字皆見於薛稷所書之碑

武后稱制徐敬業起兵揚州討之宰相裴炎與敬業

書惟有青鸞字朝臣莫解后曰此青者十二月鸞者

我自與也遂誅炎 唐則天實錄

左芬為晉武貴嬪姿陋體羸常居薄室然以才德見

禮帝每過之言及文義辭對清華

晉陽秋

郭曖妻昇平公主有才學尤喜詩人曖盛集文士主必坐視簾中詩美者賞以百縑

女世說

孫夫人幼有淑質李易安欲以其學傳之夫人謝曰才藻非婦人事也

謂南集

趙凡夫妻陸卿子學殖優於凡夫

經義考

曹世叔妻班昭博學高才兄固著漢書八表天文志未竟而卒和帝詔昭踵成之數召入宮令皇后諸貴

人師焉號曰大家

後漢書

和熹鄧后博覽五經傳記圖讖內事風雨占候老子

倉史卷四三

二

孟子禮記月令法言不觀浮華申韓之書

續漢書

崔寔母博覽書傳教寔臨民

東觀漢記

李白婦博學強記白一日賦詩末云不信妾腸斷歸

來看取明鏡前婦曰君不聞武后詩乎不信比來常

下淚開箱驗取石榴裙將母類乎又一日白自誇草

不謝榮於春風木不怨落於秋天之句婦輕諷曰喧

然而春榮華者不謝淒然而秋凋零者不憾非劉媪

之言乎白深異之

女世說

仁宗曹后博涉經史多援以決事

宋史

顯宗皇后徒單氏喜老莊學純淡清懿

金史

范君和妻姚氏博通羣籍自號青蛾居士

玉鴛閣遺稿

劉妙才博極羣書尤邃於易

敬禎野乘

王端淑字玉映號映然子思任女也博學工詩文順

治中從援曹大家故事延入禁中教諸妃主映然子

力辭之

畫徵錄

春秋之世婦人多通達古今如穆姜淫婦人也而其

論易隨卦云云夫子作文言取之

居易錄

翟象母師氏能通經學百家之言王莽寵以殊禮賜

號義成夫人

漢書

夏侯勝以尚書授太后勝卒太后為服五日

冬夜箋記

《 舊史卷四三

三

梁皇后九歲通孝經論語遂治韓詩大義略舉

續漢書

太始中河南女子得泰誓一篇獻之於伏生

經義考

智瓊嘗注易七卷有卦有象可占吉凶

天上玉女記

韋逞母宋氏家世儒學教授以周官音義宋氏諷誦

不輟及徙山東宋氏背負父所授書以行教逞成名

十六國春秋

劉聰小劉后般小女也童齒聰惠晝營女工夜誦書

序母每止之敦篤彌甚與諸兄弟論經義理旨超然

前趙錄 載記曰般長女英字麗芳小女娥字麗華

宋廷芬五女皆警慧廷芬教以經義

唐詩紀事

蒲鹵母任氏知書里中號任五經

女世說

忠懿王妃孫太真好學通毛詩曾論大義

吳越倫史

洪真妻文成縣君李公擇姊也治春秋博學能文黃

山谷公擇甥也有題姨母畫竹絕句云白頭腕中萬

斛力或卽文成耳

居易錄

鄧洵仁女美且賢知經術常隨其母入禁中宮女呼

爲鄧五經

投轄錄

楊直夫之妹通經學嫁虞氏生集爲鉅儒其學無師

傳於母氏也

野老記聞

杭州有黃三姑者窮理盡性時徑山有盛名常倦應

奩史卷四吉

四

接訴於三姑姑曰皆自作也試取魚子來咬著寧有

許鬧事徑山心伏或云夏山姑

唐國史補

班婕妤誦詩及窈窕德象女師之篇師古曰窈窕德

象女師之篇皆古箴戒之書

漢書注

劉子政最重左氏婦女無不誦讀

意林

馬后幼誦易經習詩論尤好讀春秋略記大義讀楚

辭喜賦頌疾其浮華輒摘其要

東觀漢記

宣帝太子令宮人皆誦王褒洞簫賦

延州筆記

和熹鄧后六歲能讀史書十二通詩論語母常非之

曰汝不習女工乃更務學欲舉博士耶后重違母言

書修婦業暮誦經典家人號曰諸生

後漢書

鄧太后從曹大家受經書兼天文算數

太平御覽

蜀劉炎侍婢數十悉教誦魯靈光殿賦

珍珠船

崔浩妻郭氏好誦釋典

說備

文明王皇后六歲誦詩論特精喪服

玉隱晉書

高祖寶后讀女誡列女等傳一過輒不忘

唐書

徐賢妃生五月能言四歲誦詩論卽便通曉

唐詩紀事

喬知之寵婢窈娘好讀書善屬文

本事詩

牛肅女曰應貞少而聰穎年十三凡誦佛經二百餘

卷儒書子史又數百餘卷初應貞未讀左傳夜初眠

奮史卷四三

五

忽自誦三十卷一字無遺天曉而畢當誦時其父驚駭數呼之都不答誦已而覺問何故亦不知試令開

卷則已精熟矣後遂學窮三教博涉多能著爲文章

每夜夢製書而食之每夢食數十卷則文體一變遂

工爲賦頌年二十四而卒有遺芳集

宋若昭牛應貞傳

海龍王諸女及姨姊妹六七人歸過洞庭宿於洪饒

間有許漢陽者爲龍女所邀龍女口誦感懷一章云

海門連洞庭每去三千里十載一歸來辛苦瀟湘水

遂命青衣取諸卷兼筆硯請漢陽錄之

博異記

真宗宴近臣語及莊子忽命呼秋水至則翠鬢綠衣

小女童也誦秋水一篇聞者竦立 荻樓雜抄

吳皇后年十四入宮封新興郡夫人俄進才人又進

婉儀讀書萬卷翰墨絕人遂正位宮壺 朝野雜記

會宏父有雙鬟小鬟者頗慧黠宏父令誦東坡赤壁

賦客至代謳人多稱之後鄭顧道教其小婢亦爲此

技會笑曰此真所謂效顰也 揮塵後錄

宋方微孫著女教十章以便女子誦習 鐵網珊瑚

金顯宗劉后過目不忘讀書經旬日終卷 續文獻通考

甘棠妓温琬字仲圭本良家子六歲訓以詩書日誦

萬言能通大義張公靖贈之詩云桂枝若許佳人折

舊史卷之三

應作甘棠女狀元 青瑣高議

徐彩鸞通經史每誦文天祥六歌必感泣後爲賊所

執至桂林橋投水其詩曰惟有桂林橋下水千年猶

照妾心清 女世說

賈嫗雅好讀史一夜讀至舜誅四凶曰堯舜之世何

物四凶敢爾忽愬外有四鬼各道姓名曰某某在此

啟戶視之寂無所見 皇華紀聞

黃幼藻臨終猶誦殘燈無燄影幢幢之句 姚旅露書

夏雲英五歲聞誦孝經七歲盡通釋典 誠齋新錄

宗定九母少嫺家教讀五經周禮孝經女孝經諸書

兼通通鑑三十一代史有訓子詩六章

今世說

葉小鸞四歲能誦離騷

敬頑野乘

葉紙紉三歲能朗誦長恨歌

午夢堂集

陳小憐年十四通朱子綱目

變雅堂集

焦仲卿妻十六誦詩書

詩紀

左思嬌女詩執書愛綈素誦習矜所獲

玉臺新詠

羅公升春日夫人閣詩碧紗窓下讀毛詩

滄洲集

姜夔陳日華侍兒讀書云繹句尋章久未休花房日

晏不梳頭

白石道人集

洪玉父有侍兒曰小九知書能為洪檢閱

菊坡叢話

奮兒卷四三

七

李易安與夫趙明誠並研窮書史每獲一書易安卽

日勘校裝輯得名畫彝器亦摩玩舒卷指摘疵病盡

一燭為率故紙札精緻字畫全整冠於諸家每飯罷

夫婦坐歸來堂烹茶指堆積書史言某事在某書某

卷第幾頁第幾行以中否勝負為飲茶先後中則舉

杯大笑或至茶覆杯中不得飲而起

經籍會通

河東君校讐羣書繙閱爛熟雖縹緗浮棟而某書某

卷拈示尖籤百不失一

柳南隨筆

魏武以金贖蔡文姬於匈奴問之曰聞夫人家先世

多墳籍猶能憶識之否文姬曰昔亡父賜書四千許

卷罔有存者今所誦憶裁四百餘篇於是繕寫送之  
文無遺誤 何氏語林

盧道虔妻元氏甚聰悟嘗升堂講老子道德經道虔  
弟元朗隔紗幃以聽之 鄴洛鼎峙記

趙定母多通詩書常聚生徒數十人張帷講說儒生  
登門質疑必引與坐開發與義咸出意表 女世說

南唐鍾謨女博通孔老書尤善講說後爲洞真宮女  
道士名守一 江南錄

晉州有女僧姿容明悟能講無量壽經 十國春秋  
東坡與小妹黃山谷論詩妹云輕風細柳澹月梅花

舊史卷四三

八

中要加一字作腰成五言聯句坡云輕風搖細柳澹  
月映梅花妹云佳矣未也黃云輕風舞細柳澹月隱  
梅花妹云佳矣猶未也坡云然則妹將何說妹云輕  
風扶細柳澹月失梅花二人稱善 陳日華詩話

周綺生名文口多微詞值宴集分韻有用習家池者  
綺生笑曰無乃太遠乎舉座拂衣起綺生嘗有詩云  
掃眉才子多相忌未敢人前說較書 本事詩

李氏廖愈達妻也好讀書通詩書大義每女紅閒則  
持女孝經女小學爲二妾講章句大義旁及古今貞  
淫善惡感應事二妾日供茶果聽講愈達一日自外

歸聞講書聲竊聽之則李氏教二妾敲仁字語諄諄不休愈達入而笑李氏正色曰志士仁人有殺身以成仁毋求生以害仁

魏叔子文集

武陵黃夫人顧氏名若璞所著文集多經濟大篇有西京氣格常與婦女宴坐卽講究河漕屯田馬政邊備諸大計副筭中乃有此人亦奇

同月軒集跋

中宗正月晦日幸昆明池賦詩羣臣應制百餘篇帳殿前結綵樓命上官昭客選一首爲新翻御製曲從臣悉集其下須臾紙落如飛各認其名而懷之旣退惟沈宋二詩不下又移時一紙飛墜競取而觀乃沈

奮史卷四三

九

詩也乃聞其評曰二詩工力悉敵沈詩落句云微臣彫朽質羞都豫章才蓋詞氣已竭宋詩云不愁明月盡自有夜珠來猶健舉沈乃服

景龍文館記

王安石女見覺範詩曰此浪子和尙耳

龍改齋漫錄

李易安論列諸詞家排擊無一免者

茗溪漁隱叢話

孟淑卿才辨工詩自以配不得志號曰荆山居士嘗論朱淑真詩曰作詩須脫胎化質女子無鉛粉氣乃佳朱生故有俗病

異林

周玉簫好談古今節義事嘗採古列女懿可法佚可戒者各爲詩一篇比於彤管

吟堂博笑集

徐小淑論詩獨不喜子美謂多俚語易入學究

林下詞選

方夫人維儀有宮閨詩評一卷

然脂集

吳吳山三婦各評牡丹亭其評無一不佳

虞初新志

王凝之妻謝道韞聰識有才辨叔父安嘗問毛詩何

句最佳答曰穆如清風安謂其雅入深致

晉書

女子紫竹工詞一日手李後主集其父問曰後主詞

中何語最佳答曰問君能有幾多愁恰是一江春水

向東流耳

女世說

伏生女代父授鬲錯尚書二十九篇

漢書

鄧后以經傳教授宮人左右習誦朝夕濟濟

東觀漢記

奮史卷四三

十

漢書始出多未能通者馬融伏於閣下從班昭受讀

班昭教以讀法

羣書考索

世宗李婕妤在宮常教帝妹書誦授經史

後魏書

閩秀韓玉父秦人家於杭李易安教以詩

四朝詩集

沈瓊蓮宮詞專把經書教小玉

胭脂瑣

上官昭容名婉兒綽有文詞明習吏事百司表奏多

令叅決中宗卽位又令專掌制命

唐書

薛嵩家有青衣紅線者通經史嵩俾其掌牋表號曰

內記室

紅線傳

曾文肅爲懷仁令有張氏小女甫六七歲甚爲惠黠

魏夫人憐之教以誦詩書頗通解其後南北睽隔紹聖初文肅柄事樞是時張氏已入禁中忽與夫人相聞夫人以夫貴封瀛國稱壽禁庭始相見叙舊自後歲時遺問夫人歿張作詩哭之云香散簾幃寂塵生翰墨閑空傳三壺譽無復內朝班

揮塵後錄

郝文珠字昭文貌不颯而多才藝李寧遠鎮遼東聞其名召掌書記凡奏牘悉以屬焉

弁山樵暇語

謝三娘不識字宋時謠也

江湖載酒集

書籍

竇太后好黃老書

史記

奩見卷四三

十一

帝見王母巾箱中有一卷書盛以紫錦之囊帝問之王母曰此五嶽真形圖也

漢武帝內傳

九華安真妃侍女著朱衣帶青章囊手持錦囊盛書書可十餘卷白玉檢囊口上刻字云玉清神虛內真

紫元丹章

真誥

沈皇后諱婺華聰敏強記時張貴妃寵傾後宮後主遇后既薄后惟尋閱圖史佛經爲事

六朝通鑑博議

太平公主愛樂毅論則天與以織袋盛置箱中及籍沒咸陽老嫗竊去縣吏搜捕嫗驚懼投之竈下香聞

數日

珍珠船

崔元亮於京都買得研神記一卷有昭容列名書縫處呂溫因賦上官昭容書樓歌

唐詩紀事

神宗以呂坤閨範賜鄭貴妃貴妃侈上之賜製序重刊頒之中外而忌坤者謂坤以此書私通貴妃貴妃

答以寶鏹五十采幣四端

儒學案

周玉簫孩提時每啼哭以書帙示之卽止

文奇豹班

鄭妥娘手不去書朝夕焚香持課

秦淮四美人選稿

翁孺安號靜和居士不事鉛華室惟書籍

浣花居遺稿

米小大涉獵文藝粉搯墨痕縱橫繚快

板橋雜記

山陰沈躬範婦陳夫人好讀書年二十三夭卒之日

奩兒卷四三

七

囑以平日所誦書籍殉冢中

湖海樓集

董姬閱詩無所不解而又出慧解以解之坐處書周

左右午夜衾枕間猶擁數十家唐詩而卧

影梅菴憶語

高啓有二喬觀兵書圖詩

大全集

太子妃有漆書臺

東宮舊事

著作

班婕妤集一卷班昭集三卷

漢書藝文志

列女傳十五卷曹大家注

崇文總目及曾鞏目錄序

班昭作女誡七篇馬融善之令妻女習焉

後漢書

曹大家有女孝經今所傳女孝經乃唐人借名大家

曹書已亡逸矣經籍會通

賈充妻李氏作女訓行於世世說

趙姬作列女傳解號趙母注世說註

馮太后以高祖富于春秋作勸戒歌三百餘章又作

皇誥十八篇魏書

品彙載劉令嫺以爲唐人按劉令嫺者徐悱之妻隋

書經籍志有梁婦人劉令嫺集二卷延州筆記

范靖妻沈滿願有集三卷唐書藝文志

漢以下婦人文集據諸家書目所存者晉武帝左貴

嬪集四卷太宰充妻李扶集一卷司徒王渾妻鍾夫

奩史卷四十三

三

人集五卷都尉陶融妻陳窈集一卷都水使者妻陳

玠集五卷海西令劉麟妻陳珍集一卷劉柔妻王郤

之集十卷常侍傅伉妻辛蕭集一卷成公道賢妻龐

馥集一卷松陽令鈕滔母孫瓊集二卷太守何殷妻

徐氏集一卷王凝之妻謝道韞集二卷宋婦人牽氏

集一卷後宮司儀韓蘭英集四卷梁武帝女臨安公

主集三卷陳後主沈后集十卷隋劉子政母祖氏集

九卷少室山房詩藪

文德后長孫氏嘗採古婦人善事勒成十卷名曰女

則自爲之序唐書 玉海作女則要錄

唐武帝垂拱集一百卷金輪集十卷

舊唐書

列女傳一百卷古今內範一百卷內範要錄十卷鳳

樓新誠二十卷俱則天后武氏撰

陝西通志

上官昭容有文集一百卷

龍城錄

女訓十七家有孫夫人序讚一卷

唐書藝文志

宋若莘著女論語十篇以韋暹母女宣君宋氏代仲

尼以曹大家等代顏閔問答悉以婦道其妹若昭又

為傳申釋之

女論語後序

王博妻楊氏女誠一卷

國史經籍志

謝希孟集二卷謝景山之女嫁陳安國

郡齋讀書志

奮卷四三

古

女子胡愔黃庭五藏內景圖一卷

暇老齋雜記

處士女王安之集一卷安之名尚恭簡池王倉之女

年二十未嫁而死

書錄解題

韋溫女續曹大家女訓十二章行於世

枕中秘

武康常陽細君龍氏善屬文外父家多異書女紅之

暇輒紉繹之擇其當意者編成女紅餘志

女紅餘志小引

易安居士與夫趙明誠撰金石錄

歷城縣志

錢唐曹妙清三十不嫁文章與風操俱邁嘗持所著

詩文偕乳媪訪楊維禎於洞庭太湖間為歌詩鼓琴

以寫山川荒落之悲引關雎雅朝琴操以和白雪之

章維楨夫賞叙爲曹氏絃歌集女世說

李公昂妻陳氏著作最富有贈五臺尼姑雲秀峰詩

甚正詩話類編

仁孝徐皇后中山王達長女后觀女憲女誠諸家約

其要義作內訓二十篇名山藏

仁孝后詩集一卷貞烈事實二卷章聖太后女訓一

卷慈聖太后女鑒一卷國史經籍志

王玉映所著有吟紅留篋恒心諸集輯名媛文緯詩

緯歷代帝王后妃古今今年號名史恩名媛璣囊

沈靜專字曼君宛君之妹適吳適之所著名適適草

奩史卷三

五

別撰頌古一卷靜志居詩話

蔣烈婦者姜士進妻也讀書能文士進死婦濡首水

缸中亦死有續劉向列女傳丹陽志

梁氏孀孀旁據羣書梨爲八史自以爲女董狐一外

史二國史三隱史四烈史五才史六韻史七艷史八

誠史古今女史序

草衣道人王修微性好山水撰名山記許玉斧修微道人生誌銘

葉璿工詩每聞古名媛傳記各繫以詩凡百首曰停

針論古傳述福清縣志

秦淮董姬名白字小宛才色擅一時後歸如臯冒推

官居艷月樓集古今閨幃軼事薈爲一書名曰奩艷  
分上中下三卷姬後天葬影梅菴旁

南沙集

董姬遍閱羣書於事涉閨閣者輒錄之書成名曰奩  
艷其書瑰異精秘凡古今女子自頂至踵以及服食  
器具亭臺歌舞針神才藻下及禽魚鳥獸草木之類  
皆歸香麗

影梅菴憶語

沙宛在字嫩兒桃葉女郎有蝶香集

白門集

班昭補列女傳一卷班昭幽通賦註一卷蘇蕙璇璣

圖一卷侯莫陳邈妻女孝經一卷預浩女木經一卷

沈佖諧史一卷鄭氏女教篇一卷楊慎妻黃氏錦字

奩艷卷四三

七

書一卷王鳳嫺東歸紀事一卷邢慈靜黔途略一卷

徐淑英女誠雜論一卷徐德英革除紀一卷顧若璞

往生紀實一卷倪仁吉宮意圖題語一卷季嫺學古

餘論一卷季嫺前因紀一卷陶姮儀放生約一卷

然

集

奩史卷四十三古今閨幃軼事薈爲一書名曰奩艷

倉史卷四十四

東吳王初桐子陽篡述

文墨門二卓世編載人臨賦其真也蓋辨卦上海趙秉淵少純校刊

列女傳以茅苴為蔡人妻作汝墳為周南大夫妻作

行露為申人女作柏舟為衛宣夫人作燕燕為定姜

送婦作式微為黎莊公夫人及其傅母作大車為息

夫人作經義考

采葛之婦傷越王用心之苦作若之何詩吳越春秋

蘇武作錄別詩其妻因賦答外詩修辭衛鑑

班姬團扇辭旨清捷怨深文綺得匹婦之致詩品

蔡文姬歸董祀後感傷亂離作悲憤詩後漢書詩

真情極切自然成文譜日文姬詩

蔡文二詩明白感慨類世所傳木蘭詩東京無此格

也又文姬流離在父沒之後董卓既誅乃遇禍今此

詩乃云為董卓所驅虜入胡尤知非真也蓋擬作者

疏略而范氏荒淺遂載之本傳耳東坡志林

蔡女詩或疑為非真此蓋未嘗詳考於史也蔡寬夫

劉孝綽諸妹有夫人之目詩品

王淑英婦劉孝綽之妹春日淑英之官劉不克從寄  
詩曰粧鉛點黛拂輕紅鳴環動佩出房櫳看梅復看  
柳淚滿春衫中

林下詩談

劉令嫺盛有才名玉臺新詠載令嫺詩如光宅寺云  
長廊欣目送廣殿悅逢迎何當曲房裏幽隱無人聲  
又有期不至云黃昏信使斷銜怨心悽悽迴燈向下  
榻轉面闇中啼正如高仲武所云形質旣雌詞意亦  
蕩者也

池北偶談

范靖同妻沈氏至後園觀洒翠池又上洗心亭共爲  
映水曲沈氏先成曰輕髻學浮雲雙蛾擬初月水澄

奮史卷四四

一

正落釵萍開理垂髮靖竒之不復敢作

林下詩談

如意中女子七歲能詩則天試之皆應聲而就其送  
兄詩云別路雲初起離亭葉正稀所嗟人異雁不作  
一行飛

唐宋遺史

唐中宗引名儒賜晏賦詩婉兒常代帝及后長寧安  
樂二公主竊篇並作而采藻益新

景龍文館記

樂昌孫氏孟昌期妻也工吟咏代夫作燭詩琴詩酒  
詩一日曰才思非婦人事也併焚其集

唐詩紀事

劉長卿謂李蘭爲女中詩豪

全唐詩話 閩秀集朱靜菴女中詩豪

薛濤爲元稹所喜酒後爭合以酒器擲傷公猶子遂

出幕作十離詩以獻乃復留焉

鑑戒錄

簡池志載薛濤江月樓詩秋風彷彿吳江冷鷗鷺參  
差夕陽影垂虹納納卧譙門雉堞耽耽俯魚艇陽安  
小兒拍手笑使君幻出江南景又西崑詩凭闌却憶  
騎鯨客把酒臨風手自招細雨聲中停去馬夕陽影  
裏亂鳴蜩二首新都抄本所無

蜀中詩話

奉慈寺號國夫人宅也楊敬之小女年十三題詩此

寺自稱關西孔子二十七代孫字德隣

寺塔記

獨持巾櫛掩元闕水帳無人燭影殘昔日羅衣今化  
盡白楊風起隴頭寒是耿將軍青衣所作見廣記而

奩史卷四十四

三

品彙以爲臺城妓詩非也

二酉綴遺

花蕊夫人入宋見太祖使陳所作因誦其亡國詩云

君王城上豎降旗妾在深宮那得知四十萬人齊解

甲曾無一个是男兒太祖嘉賞之

後山詩話

李茂復內子甚妬晚年有詩云近來不作顛狂事免

被冤家惡眼看

南部新書

程頤母侯氏詩獨存夜聞鳴雁一篇

宋文鑑

劉希孟詩隱約深厚有古幽閒淑女之風

歐陽文忠集

暨氏女子十歲賦野花云多情樵牧頻簪首無主蜂

鶯任宿房觀者知其後不保貞素

春渚紀聞

王綸女爲鬼所憑有雪詩云何事月娥欺不住亂飄  
瑞葉向人間說云天上有瑞木開花六出 中山詩話

一女子爲鬼物所憑作金山詩云濤頭風滾雪山腳

石蟠蚪 困學紀聞

竇梁賓工詩盧東表緣而錄之 補侍兒小名錄

楊璞妻送璞赴召詩更休落魄耽杯酒且莫猖狂愛

詠詩今日捉將官裏去這回斷送老頭皮 漁隱叢話

王元甫妻謝氏送別詩此去惟宜早早還休教重起

望夫山君看湘水祠前竹豈是男兒淚染斑 青瑣集

并門徐帥屬內子能詩林子中爲帥每首唱徐密寫

奄史卷四十四

四

歸衆方操觚內子詩已來必有可觀 耆舊續聞

趙明誠妻李氏善屬文於詩尤工如詩情如夜鵲三

逸未能安頗膾炙人口 風月堂詩話

今代婦人能詩者前有曾夫人後有易安 詩說雋永

李易安有詩云兩漢本繼紹新室如贅疣所以稽中

散至死薄殷周中散非湯武得國引之以比王莽如

此等語豈女子所能 朱子游藝論

許義方常出經年始歸妻劉氏曰自君之出閉門自

守時作小詩以適情耳義方欣然取詩觀之首篇云

月夜招隣僧閒話 拈掌錄

天聖中有三英集三英者三哲婦之詩也

詩話總龜

三英詩劉元載妻早梅云南枝向暖北枝寒一種春風有兩般憑仗高樓莫吹笛大家留取倚闌干詹光茂妻寄遠云錦江江上探春回銷盡寒冰落盡梅爭得兒夫似春色一年一度一歸來趙晟母惜別云暖有花枝冷有冰佳人後會却無憑預愁離別苦相對挑盡漁陽一夜燈

歷代吟譜

早梅詩又見攝遺

楊妹子題馬遠畫語關情思人或譏之

書史

楊妹子有題劉松年琴鶴圖詩

真蹟實錄

吳郡薛氏二女蘭英薰英聰慧能詩見鐵崖西湖竹

奩兒卷四

五

枝詞乃效其體作蘇臺竹枝十章

本事詩

管夫人奉中宮命題所畫梅詩云雪後瓊枝嫩霜中

玉蕊寒前林留不得移入月中看

吟堂博笑集

孫淑字蕙蘭能詩歸傅汝礪五月而卒家人出其稿

爲編集成帙題曰綠牕遺稿

清江集

新淦范氏婦早寡召入禁中數年一日題老婦牧牛

圖云貴妃濺淚馬嵬坡出塞昭君怨恨多爭似阿婆

牛背穩笛中吹出太平歌高后見之曰彼不樂居此

矣封爲夫人厚賚而遣歸

霞外塵談

鐵鉉死後二女入教坊數月終不受辱有鉉同官至

二女爲詩以獻文皇乃赦出之皆適士人震澤紀聞 史乘考  
誤曰二詩必出好事者

藩應昌女自署其詩曰女郎碧天道人赤城新志

黃安人楊慎室寄夫詩云雁飛曾不到衡陽錦字何

由寄永昌三春花柳妾薄命六詔風烟君斷腸曰歸

曰歸愁歲暮其雨其雨怨朝陽相憐空有刀環約何

日金雞下夜郎淑秀集 梅花草堂筆談黃安人詩 獨建旗鼓雄視一時

楊用修戎渚黃安人作詩寄之用修詩云易求海上

瓊枝樹難得閨中錦字書藝叢

槎雲姓張氏杭州女子有句云殘風殘雪斷橋邊其

儉史卷四四

六

兄見之曰我妹必以詩傳但福薄耳孫振孫槎雲傳

陸女名涓代父送行云津亭楊柳碧粼粼人醉東風

酒半酣萬點落花舟一葉載將春色過江南說詩樂 趣

周潔字玉如家胭脂巷中年十四歸張鳴鳳張歸臨

桂數年後詒父書寄雲巢詩一册金陵瑣事剩錄

孔少娥字文淑賦西湖詩最工惠州西湖記

景翩翩字驚鴻建昌妓有散花吟王伯穀題云閨中

有女最能詩寄我一部散花詞雖然未見天女面快

語堪當食荔枝靜志居詩話

姚淑字仲淑工詩有鍾山秀才海棠居集明詩綜

武林女子梁小玉七歲依韻賦落花詩甚工秋谷雜編

王嬌鸞與周廷章善往還詩詞最多後廷章負盟別

娶鸞遂自殉林下詞選

閨詩有英氣者王秀重女詠蘭相如是也西臯外集

茅止生姬人楊宛有詩集名鍾山獻樊榭山房集

孫瑤華字靈光汪仲嘉有代蘇姬寄怨所懽詩詞客

屬和盈帙靈光詩一出歙皆擱筆名媛集

邢妹者邢子愿之妹工詩有非非草一卷名閨珠王

董少玉嫁周元孚學詩既成元孚欲序而行之少玉

笑曰妾幸為君婦得稍知詩亦不幸為君婦即有

奮史卷四

七

二佳句人必以為出君手也何以詩為雙橋隨筆

徐小淑詩高自標位陸卿子詩幽清古澹梅花草堂筆談

方夫人曰徐小淑與陸卿子唱和稱吳門二大家然

小淑所著絡緯吟視卿子尤猥雜宮閨詩評

鄒賽貞詩篇什嚴整其女秀蘭亦工詩士齋集序

吳巖子名山卞琳配詩文甚富兼工書法女夢珏字

元文亦能詩漁洋山人集今世說曰長女元文工詩次女德基工畫

崔重文字媚兒一字媽然南院妓別黃元龍云楓落

鴉翻秋水明長橋獨樹古今情尋常歌板銀罌地從

此傷離不忍行臙脂瑣

張回字觀若金陵妓以帆影詩得名宮閨詩選

朱無瑕字泰玉桃葉渡邊女子工詩善書已酉秦淮

有社會泰玉詩出人皆自廢繡佛齋集

許妹狀元許筠妹也七歲能詩號女神童有遊仙曲

三百首吳子魚朝鮮詩選

無瑕詩美麗婉轉世無其匹彤管遺編

無瑕寄夫詩意調卓邁閨閣詩評

趙瓊妾李氏號玉峰主人與許妹為翰墨交詩如兩

兩鷓鴣失舊磯銜魚飛入菰蒲去亦佳句也玉臺文苑

姚娟娟五歲能詩年十五積詩八百首一一以蓮花

奩史卷四十四

八

箋書之西堂雜俎

嘉興妓顧娟娟時作小詩以書法不工偶對人口占

而已吏隱錄

劉睽度妻馮氏詩甚清婉春日即事云閑步小橋東

黃鶯處處逢梨花風雨後人在綠楊中隴蜀餘聞

沈紉蘭仲女雙惠字柔嘉髻年禪悅有詩云迦陵可

解西來意又報人間夢不長年十六而卒雲薈淡墨

陸姬孟珠名燕燕蘇州人或曰嚶城大家女曾為侯

門寵伎侯裁於法姬流落江海間凄然擁髻有東京

夢華想製詩一卷自名紅衲道人婦人集

沈宜修字宛君吳江葉仲韶妻也長女曰紈紈幼女曰小鸞皆能詩小鸞字瓊章一字瑤期年十七未嫁而天紈紈以哭妹死宛君神傷亦卒仲韶集宛君之詩曰鸞吹紈紈曰愁言小鸞曰返生香午夢堂集

葉小鸞十二歲解賦詩敬禎野乘

黃媛介字皆令其詩絕去閨閣畦徑姊媛貞字嘉德亦能詩無聲詩史 國雅李雲田曰海內閨秀惟黃皆令朱中楣二人而已

顧若璞嘗於食頃作七夕詩三十七首今世說

女郎倪仁吉善畫尤工簫竹有宮意圖詩云怨入蒼梧斑竹枝瀟湘渺渺水雲思分明記得華清夜疎雨

奩史卷四十四

九

銀缸獨坐時池北偶談

顧奴字啟姬適鄂生著靜御堂集九日鄂與同人飲限蟹字韻鄂詩顧代作也未云予本澹蕩人讀書不求解爾雅讀不熟彭蜺誤爲蟹夢蕉詩話

周羽步與吳蕙仙善著有比玉新聲集婦人集

袁彤芳年十四作遊仙詩自稱廣寒仙客林下詩談

寶意有文曰可字長白有才而天寶意編其集曰曇

花一現集隨園詩話

美人詩意圖孫尚子畫公私畫史

女子周禧畫惜花春起早詩意士女極工香祖筆記

杞殖死其妻援琴作歌曰樂莫樂兮新相知悲莫悲兮生別離

水經注

杞梁妻者杞植妻妹朝日之所作也朝日悲姊之貞

作歌名曰杞梁妻

中華古今注

越王夫人作烏鳶歌

吳越春秋

項羽美人名虞常幸從及羽兵敗自為歌詩美人和

歌曰漢兵已略地四面楚歌聲大王意氣盡賤妾何

耶生遂自殺

漢春秋

王伯厚曰虞美人歌已是五

嶼儂歌晉石崇妓綠珠所作

碧雞漫志

劉采春浙女嘗作囉嘖曲即望夫歌也

文言

舊史卷四十四

十

遼末國半入於金天祚主敗遊如故蕭文妃作歌以

諷曰可憐往代兮秦天子猶向宮中兮望太平天祚

見而銜之

女世說

郭貞順周伯玉妻明初俞良輔征諸寨貞順製長歌

名俞將軍引獻之麾下良輔歛兵而回

名媛彙編

安世房中樂高祖唐山夫人所作

漢書

詩譜曰安世歌質古文雅劉

元城語錄曰房中樂格韻高嚴規模簡古

唐山夫人唐山姓也婦人能為祠祀樂章非嘲風弄

月之比其後則戚夫人暮春歌烏孫公主悲愁歌文

君白頭吟明妃怨詩皆聞夫人風而興起者夫人之

前惟屢屢一歌垓下數語而已困學紀聞

鄭允端古風有晉魏風致宋元詩集

漢婦人為三言詩者蘇伯玉妻四言者王明君五言

者卓文君班婕妤徐淑六言者容華夫人七言者趙

飛燕八言九言者烏孫公主少室山房詩藪

陳後主令張貴妃孔貴人等八婦人劈綵牋製五言

詩令江總孔範等十客繼和詞彙典故

李易安上樞密韓公五言古詩工部尚書胡公七言

古詩不愧作手雲麓漫鈔

河東君長于近體七言觚牘

奩是卷四十四

安南將軍竇滔之襄陽恨妻蘇若蘭妬不與偕蘇自

傷因織錦迴文錦縱廣八尺題詩八百餘言縱橫反

覆皆成文章名璇璣圖讀者不能盡通若蘭笑謂人

曰徘徊宛轉自成文章非我佳人莫之能解遂命蒼

頭齋至襄陽滔省覽錦字感其妙絕因迎至恩好甚

重女世說 擘紅筆記婦人能文者當以若蘭為冠

若蘭名蕙姓蘇氏陳留令道質季女也年十六歸扶

風竇滔滔字連波仕苻秦為安南將軍以若蘭才色

之美甚敬愛之滔有寵妾趙陽臺善歌舞若蘭苦加

捶楚由是陽臺積恨讒毀交至滔大恚憤時詔滔鎮

襄陽若蘭不願偕行竟挈陽臺之任若蘭悔恨自傷  
因織錦字爲回文五彩相宣瑩心眩目名曰璿璣圖  
亘古以來所未有也乃命使齎至襄陽感其妙絕遂  
送陽臺之關中具輿從迎若蘭於漢南恩好逾初其  
著文字五千餘首世久湮沒獨是圖猶存唐則天后  
常序圖首今已魯魚莫辨矣初家君宦遊浙西好拾  
清玩凡可人意者雖重購不惜也一日家君宴郡梓  
於壁間見是圖償其值得歸遺余於是坐卧觀究因  
悟璿璣之理試以經緯求之文果流暢蓋璿璣者天  
盤也經緯者星辰所行之道也中留一眼者天心也

極星不動蓋運轉不離一度之中所謂居其所而斡  
旋之處中一方太微垣也乃疊字四言詩其二方紫  
微垣也乃四言回文二方之外四正乃五言回文四  
維乃四言回文三方之外四正乃交首四言詩其文  
則不回也四維乃三言回文三方之經以至外四經  
皆七言回文詩可周流而讀者也

朱淑真璿璣圖記

蘇蕙織錦回文詩則天記云二百餘首楊文公讀至

五百餘首明僧起宗分爲七圖一百四十七段得三

四五六七言詩至三千七百首

居易錄

范陽盧某母瑯琊王氏於景龍中撰天寶迴文詩凡

八百一十二字誠其子曰吾沒之後爾密記之若逢  
大道之朝遇非常之主當以真圖上獻至元宗朝東  
平太守始上之

五雜俎

耶律氏小字常哥能詩文不苟作耶律乙辛愛其才  
屢求詩常哥遺以回文乙辛知其諷已銜之

遼史

雲間舒大才春夜見一美人姿容妍麗偕二婢嬉遊  
於月下生乃揖曰娘子居何處夜行至此美人笑曰  
敝居思凡願枉駕一顧大才遂與美人先後而行不  
半里許遙見竹戶荆扉花木掩映明窓淨几亦甚整  
潔美人遜生上坐命侍婢獻茶繼以酒饌盃盤精緻

舊史卷四十四

三

壁間挂四時廻文詩美人自製也大才詢以姓名美  
人曰妾姓花小字蕊真大才與之狎美人曰君能廢  
此四時詞乃可大才援筆和之是夜就寢極講幽歡  
天明起視乃一古祠中塑美人列侍二婢案上朱書  
木牌題曰花蕊夫人

花史

成都妓單氏贈陳希夷詩云帝王師不得日月老應  
難名士都稱之

唐宋遺史

徐忻詩年來是事消磨盡只有青山好靜看僕記雜  
說載一婦人詩云年來萬事灰人意只有看山眼不  
枯語工於徐

野客叢書

近世婦人能詩往往有臻古人者張奎妻長安縣君  
王荆公之妹也佳句云草草杯盤供笑語昏昏燈火  
話平生劉天保妻平甫女也句有不緣燕子穿簾幙  
春去春來可得知隱居詩話

吳正獻夫人最能文嘗雪夜作詩云夜深人在水晶  
宮紫薇詩話

婦人曹希蘊詩時有巧語題墨竹云記得小軒岑寂  
夜月移踈影上東墻東坡詩話温叟詩話希蘊詩  
格不高惟墨竹詩最工

趙明誠妻李氏有云露花倒影柳三變桂子飄香張  
九成老學菴筆記

奮史卷四

十四

女子沈清友咏漁父云起家紅蓼岸傳世綠蓑衣得  
下字之工隨隱漫錄

李氏女能詩有集其警句云桃花一簇開無主終不  
留題雀護詩吳中往哲記按二句亦見鄭允端蕭集

金陵有徐姬者善屬詩早死有句云楊花厚處春陰  
薄清冷不勝單夾衣頗有婉思嘆嘆集

嚴伯玉妻鄒淑芳早卒有詩曰三生石草句如玉簫  
舊譜回文句瑤瑟新絃續命絲婉約可誦彤管新編

沈純父端午召客呼周綺生侑酒不至次日始來純  
父卽景以五月六日爲題令綺生賦詩綺生朗吟云

酒剩蒲觴冷門懸艾虎新

翠樓集

馬氏虎關將家婦有秋閨夢戍詩一百首宋比玉得

其集於荒村老屋中見芳草無言路不明之句爲之

擊節

香魂集

南康陳敏政之女善詩如深院雪消芳草綠小園風

過落梅多情致幽絕

淑秀集

紀映淮字阿男金陵人嫁莒州杜氏早寡守節終秦

淮柳枝云栖鴉流水點秋光佳句也

漁洋詩話

鄂幼輿室人顧啟姬在京時有花隣昨夜雨茶憶故

山泉之句一時艷稱之

西陵類稿

查史卷四十四

五

金章宗元妃李師兒識字知文義章宗作梳粧臺於

宮中與李妃夜坐上曰二人土上坐妃卽對曰一月

日邊明上大悅

金臺集

新淦范氏能詩有對聯云墨落杯中一片黑雲浮琥

珀梳橫枕上半輪殘月照琉璃

西園雜記

王鳳嫺字瑞卿號文殊雲間人垂髻時大父試以駢

句云秀眉新月小卽應聲曰鬢髮片雲濃

名媛彙編

高文良公咏白燕云有色何曾相假借未對夫人代

對曰不羣仍恐太分明蓋規公之孤立也

秋葉錄

葉小鸞十歲與母初寒夜坐母云桂寒清露濕卽應

云楓冷亂紅凋咸喜其敏捷不知其天微也

續芻聞

有塾師聚徒於家好出句命對一徒於暮春來從師  
卽出句云四野綠陰迎夏至徒情然次早對云一庭  
紅雨送春歸師知其倩筆詰所自來云吾姊也詢其  
年及笄矣紉餘輒觀書作字無間寒暑是晚師復出  
句云好書勤誦讀次早對云佳句費推敲翼日隣友  
招師看桃花又出句云有約看桃塢次早對云無心  
坐杏壇師大恚女姓嚴氏貌嫺麗後以所字匪人鬱  
鬱病瘵未嫁而卒

郁南隨筆

朱淑真同時有魏夫人者曾子宣內子也亦能詩嘗

奩史卷四

去

置酒邀淑真命小鬟隊舞因索詩以飛雪滿羣山爲  
韻淑真醉中援筆賦五絕句

宋詩紀事

宋亡汪元量奉三宮留燕甚久後南歸宮人王昭儀

清惠以下二十九人分韻賦詩以餞其行

金臺集  
遂昌雜錄

曰汪水雲從謝后北遷老宮人能詩者皆水雲指教

水雲金臺告行一時同人以勸君更盡一杯酒西出

陽關無故人分韻賦詩爲贈王清惠得勸字陳淑真

得君字黃慧真得更字何鳳儀得盡字周靜真得一

字葉靜慧得杯字孔清真得酒字鄭惠真得西字方

妙靜得出字翁懿淑得陽字章妙懿得關字蔣懿順

得無字林順德得故字袁淑正得人字

湖山類稿

張瓊英宋宮嬪也歿於沙漠送琴客汪元量南還釀

酒城隅鼓琴叙別瓊英爲詩曰今朝且盡穹廬酒後

夜相思無此杯

女世說

洪夢梨字葦仙號白雲道人江陰女子也才色雙妙

往來多名士吳靜川招同人分韻賦詩以寄道人道

人各依韻和之皆秀麗可誦

柳南隨筆

蘇老泉一日家集舉冷香二字一聯爲令倡云水向

石邊流出冷風從花裏過來香小妹云叫月杜鵑喉

舌冷宿花胡蝶夢魂香

金玉詩話 優古堂詩話能改齋漫錄皆云叫月宿花二

舊史卷四十四

七

句一士人詩也

王綸女年十八歲一日晝寢忽厲聲父急問之已起

謂父曰與汝有洞天之緣降人間四百年矣今又會

此自是謂父曰清非生自稱曰燕華君初不識字忽

能詩每與清非生倡和至百餘篇

女仙傳

黃皆令避兵播遷有卞處士妻吳巖子以詩名假館

留數月爲文字交與諸大家名姝靜女倡酬有越遊

集

學餘堂文集

李侍郎與遠山夫人朱中楣有文江倡和集

婦人集

吳門女史徐若水與雲清夫人多倡和之作雲清姓

許氏名玉晨

映玉南樓吟稿

謝安內集與兒女講論文義俄而雪驟降安曰白雪

紛紛何所似兄子朗曰撒鹽空中差可擬兄女道韞

曰未若柳絮因風起

世說新語

賈充妻李氏赦還因與充為定情聯句

詩女史

劉孝綽屏門不出為詩曰閉戶罷慶弔高卧謝公卿

令嫺續之曰落花掃更合藁蘭摘復生

巨史

魚元機和閨情聯句詩序曰光威哀姊妹三人少孤

而冶妍乃有是作精粹難儔予因和焉

唐音統籤

景龍中栢梁體聯句帝曰大明御寓臨萬方皇后曰

奩史卷四

六

顧慙內政翊陶唐長寧公主曰鸞鳴鳳舞向平陽安

樂公主曰秦樓晉館沐恩光太平公主曰無心為子

輒求郎上官昭容曰當熊讓輦愧前芳

唐詩紀事

丘舜中諸女皆能文詞每內集必聯詠為樂

西清詩話

朱素娥名斗兒曲中名伎也與陳魯南聯句有芙蓉

明玉沼楊柳暗銀堤之句為時所稱

本事詩

郭女善詩嫁時阻風安仁舖時王守仁亦阻風至此

作石牛山詩云安仁舖內倚闌干遙望孤牛俯在山

郭女聞之即續下句云任是牧童鞭不動田園荒盡

至今聞守仁大喜命備綵幣送過湖完規

女士集

唐三鄉留題以翰墨非婦人女子之事名字隱而不書但書會昌壬戌歲仲春十九日二九子爲父後玉無瑕弁無首荆山石徃徃有題按二九十八木字也爲父後子字也木子爲李玉無瑕去其點也弁無首存其弁也玉弁弄字也荆山石徃徃有者荆石多韞玉當是姓李名弄玉也係會稽人從夫入函關夫卒扶藪東歸過三鄉題哀憤詩於壁雲溪友議

潘夫人王氏泊舟汰王灘下月夜登岸書一絕石壁有汰玉灘下相思處猿叫空山月滿船之句今詩已漫滅獨末署太原二字爛然如新名媛瓊囊

會昌卷四

九

宋三班奉職鹿生爲子娶婦方懷孕三月鹿生利月俸逼其上道遂沒於信州杉溪驛將沒乃自書驛壁具述逼迫悲楚狀恨父母遠無地赴訴言極哀切頗有詞藻讀者無不傷感女世說補

靖康間有女子爲金人所掠自稱秦學士女道中題

詩云眼前雖有還鄉路馬上曾無放我情艇齋雜著

錄亦記秦少遊女題壁詩流落南來事可嗟云云陶朱新

有題詩黃連步壁云妾鄱陽人也景定建康志

朱橫妻錢氏隨夫客嶺石夫死攜遺孤扶柩歸鄉題望湖亭壁云昨暮抵此以風急未能濟艤舟城下夜

分不寐西風颯然而來皓月皎然窺人斯時也况羈

旅乎

女世說

女郎張惠卿題常山店壁云迢遞投前店颺颺守破

窓一燈明復暗顧影不成雙

清波雜志

英州司寇女幼年侍父任英州歸過大庾嶺蕩然無

梅遂市三十本植於嶺之左右女因留詩於寺壁云

滇江今日掌刑回上得梅山不見梅輟俸買栽三十

樹清香留與雪中開

墨客揮犀

新嘉驛有會稽女子題壁詩并序

形管新編 蘭陵集日會稽女子名

李秀

奮卷四

三

節婦宋氏洪武初坐戍金齒奉姑偕行過盤江守渡

題詩郵亭壁上訴其流離困路之情

鐵橋志 女士集日宋氏金華

人嫁衢州士人士人死獄中母妻戍金齒衛

鮎魚池湯泉有石刻明武宗宮人王氏詩

松亭行紀

宋蕙湘秦淮女也被擄至河南衛題四絕句於壁間

後書秦淮難女宋蕙湘和血題

板橋雜記

郊城驛壁有三絕句末書吳中羈婦趙雪華題

南行筆載

朱氏海昌人過虎邱山題詩壁上有云天連淮海三

千里煙嶺吳城十萬家

異林

白雀寺竹上有女子刻詩後書吳門蘇氏碧虬題

涿州驛壁有詩後書晉中薄命妾徐淑題

本事詩

清風店有西陵難女宋娟遺筆

綿津山人集

女郎曹希蘊貨詩都下有人以敲梢交爲韻索賦咏

新月詩曹賦云禁鼓初聞第一敲乍看新月出林梢

誰家寶鏡新磨出匣小參差蓋不交

桐江詩話

方維儀宮闈詩史刊落淫哇

靜志居詩話

閨秀閨集皆河東君所勘定

河東君傳

官伎商玲瓏謝好好與元白酌唱每以筒竹盛詩往

來

唐語林

女子紫竹與方喬相得贈喬生查子詞云晨鷺不住

奩史卷四十四

三

啼故喚愁人起無力曉粧慵閒弄荷錢水欲呼女伴

來鬪草花陰裏嬌極不成狂更向屏山倚其風調可

知也

柳娘記

王荆公妻吳國夫人亦能文嘗有詞約諸親游西湖

云待得明年重把酒攜手那知無雨又無風脫洒可

喜

隱居詩話

琴操嘗改秦少遊滿庭芳詞東坡賞之

能改齋漫錄

湖州吳氏女美慧能詞坐姦繫獄時王龜齡爲守命

作詞女援筆立就龜齡賞而釋之

醒醉編

章文虎妻劉氏名彤字文美工詩詞

茗溪漁隱叢話

李易安居士趙明誠妻晚年賦詞有于今憔悴風鬢  
霜鬢之句又清菴鮑氏秀齋方氏淳熙間二婦人詞  
筆可繼易安之後貴耳錄

易安以重陽醉花陰詞函致明誠明誠嘆賞自愧弗  
逮務欲勝之一切謝客忘寢食者三日夜得五十闕  
雜易安作以示德夫德夫曰莫道不消魂簾捲西風  
人似黃花瘦只三句佳乃易安作也鄭媛記

朱希真名秋娘博覽古今適徐必用必用久商不歸  
秋娘作詞以自解宋詞紀事

臨安倡女儀珥頗慧悟能立成詩詞異聞總錄

奩史卷四

三

陸敦禮侍兒名美奴善綴詞出侑樽俎每丐韻于坐  
客頃刻成章茗溪漁隱叢話

鄭文常寓川都其妻孫氏多以詞寄之一時傳播酒  
樓伎館皆歌焉憶秦娥云花深深一鈎羅襪行花陰  
行花陰閒將柳帶試結同心日邊消息空沉沉晝眉  
樓上愁登臨愁登臨海棠開後望到如今古杭雜記

孫道絢號冲虛居士黃子厚母平生詞甚富晚遭回  
祿燬熟無餘所傳數篇皆膾炙人口者林下詞

范仲允爲相州錄事其妻作伊川令寄之伊字寫尹  
字允嘲詩云料想伊家不要人妻復答詩解之奩豔

易彥章寧宗朝狀元其妻寄詞云功名成就不還鄉

石做心腸鐵做心腸

填詞集

廣漢營妓小名僧兒善填詞

漢皇詩話

林延齡妻邵道冲喜爲詞脫略脂粉氣

寶慶四明志

劉燕哥善詞嘗賦太常引饒齊參議

青樓集

王修微天仙子詞眉公稱爲千古絕調

林下詞談

顧似善詞有一輪月照一雙人面之句

夢蕉詩話

武林女子王倩玉貌美工詞悅其中表沈生而越禮

焉有寄沈長相思

香祖筆記

徐粲字湘蘋海昌陳之遴夫人善屬文兼精書畫詩

舊見卷四

三

餘爲本朝第一

拙政園詩餘跋

花叢夫人宮詞之外尤工樂府蜀亡入汴書葭萌驛

壁云初離蜀道心將碎離恨綿綿春日如年馬上時

時聞杜鵑書未畢爲軍騎催行

蜀中詩話

徐君寶妻被掠至杭題詞壁上投水死

落山堂詞話

盧女郎隨父往漢州題驛壁鳳棲梧一闋

女世說

蔣興祖女美顏色年方笄值靖康之亂爲賊所獲過

雄州題減字木蘭花詞於驛壁

詞順

張玉蓮人呼張四媽善唱曲嘗作折桂令

青樓集

梁園秀姓劉氏製小梁州紅衫兒等曲

曲中志

有才女因姦見郡守守聞其名將械示之指械爲題  
命作一詞女賦黃鶯兒云奴命木犀臨霎時間上下  
分松衫裁就爲綠領交頸怎生畫眉不成低頭盼不  
見弓鞋影爲多情風流太守持贈與佳人守大稱賞  
卽釋之

湖海新聞

葉蕙綱精於曲律所著有鴛鴦夢雜劇

午夢堂集

狂觀齋詩

倉史卷四

五

葉蕙綱辭飲曲翰浪蕩言

唱辭

道父往廣州題驛壁風樓格一闕

良弓韋邊爲送辭風流太守許餽與掛人守大稱

公林林蕙綠爲絲爵交饗念坐畫眉不如知願卻不

命卦一歸丈規黃鶯兒云奴命木犀詞霎時間上下

育卜丈因姦見郡守守聞其名將械示之指械爲題

奩史卷四十五 黃熾是氣 曰吳時九月 始歸

陸氏 婦當之 文淑 李之 東吳王初 桐子陽 纂述

陸夫人字希 慈 吳國主 北平劉翰 周東屏 校刊

文墨門三 概 謝 魏 文 琳 奉 內 親

蔡文 王 幾 谷 文 也 晉 文 集

明帝 楊后有 顛狂 病 惟內 傅孟 姬為 文后 每讀 之顛

狂 輒醒 時人 語曰 孟文 差顛 狂 司馬彪 續漢書

西王母 以瓊 笈妙 蘊發 紫臺 之文 貽帝 漢武內 傳

孫瓊者 晉鈕 滔母 也善 詩文 有文集 行世 玉臺文 苑

高祖 竇后 工於 篇章 規誠 文有 雅體 唐書

奩史卷四十五

薛濤 文妖 也 李肇 國史 補

蜀多 文婦 亦風 土所 致 清異錄

殷保 誨始 舉進 士時 文章 皆內 子封 夫人 為之 動合

規式 中外 皆知 野航 史語

李清 照母 王狀 元拱 辰女 亦工 文章 宋詩 紀事

蔡下 妻王 安石 女也 有文 集 池北 偶談

寧后 楊氏 后妹 楊娃 以藝 文拱 奉內 庭 弁州 四部 稟

劉夫 人字 希建 炎間 主內 翰文 字 清河 書畫 舫

胡淑 脩宿 之女 嫁李 之儀 讀書 善屬 文宋 嘉祐 中從

其祖 母至 內庭 光獻 皇后 拊之 曰是 胡氏 有學 能文

之女乎

閨閣類編

許景樊字蘭雪筠筠之妹八歲作廣寒殿玉樓上梁

文才出二兄之右

高麗書簡續

張瓊如字赤玉善詩賦及古文

名媛詩緯

桐城張合儀字柔嘉文端長女工古文

臺應集序

婦人美色能文翰謂之人妖

袖中錦

朱鳥逸史備記閨秀之能文者

十笏草堂集

班昭子慤為陳留長昭隨至官作東征賦

曹大家集

馬倫妹芝亦有才義少喪親長而追感作申情賦

後漢書

奩史卷四十五

二

左芬有離思賦孔雀賦松栢賦

古今文致

天官侍郎宋廷瑜左遷於外妻魏氏隨之任中路作

南征賦詞甚典美魏氏心念張相說少時為其父所

重乃作書與說叙亡父疇昔之雅為廷瑜申理兼錄

南征賦寄說說嘆曰曹大家東征流也

女世說

梅妃在上陽東宮以千金壽高力士求詞人擬司馬

相如為長門賦欲邀上意力士方奉太真且畏其勢

報曰無人解賦乃自作樓東賦

梅妃傳

牛應貞有翹颺問影賦

牛應貞傳

何宣城婦有遊仙賦

杜氏編珠

張學雅字古什母夢道人語曰上帝散花玉女誤碎御瓶今謫汝家寤而生女聰慧過人嗜讀書能屬文作月賦甚工一日其母又夢前道人來曰玉女謫限滿矣果於是日端坐而逝繡餘草繼總女禪師序

周焯父遇闖難狗節炤哀之作悼懷賦讀者如聽三閭大夫姊嬈吟也周寶鑑傳

黃媛介小賦頗有魏晉風致池北偶談

徐賢妃名惠湖州人八歲曉屬文父孝德嘗試使擬離騷爲小山篇曰仰幽巖而流盼撫桂枝以凝想將千齡兮此遇荃何爲兮獨往孝德大驚太宗知之召

奮身卷四十五

三

爲才人遷充容永徽元年卒贈賢妃唐詩紀事

郭嬪名愛字善理自知死期製楚騷以自哀鳳陽志

文在中女嫁葛氏早寡守節作九騷以見志九騷者一曰感往昔二曰懷湘江三曰望洽陽四曰矢栢舟五曰愀離幃六曰傷落花七曰臨雲嘆八曰待月愁九曰撫玉鏡靜志居詩評

漢和帝葬後宮人並歸國鄧太后賜周馥貴人策曰朕與貴人共歡等列十有餘年先帝早棄天下孤心冀冀靡所瞻仰令當以舊典分歸後園慘結增嘆燕

燕之詩曷能喻焉女世說

劉聰皇后劉氏以左貴嬪立爲皇后聰將起鷄儀殿  
廷尉陳元達諫聰怒將斬之后手疏啟曰伏聞勅旨  
將爲妾營殿今四海未一禍難尤繁廷尉之言社稷  
之計當賞以美爵而反欲誅之陛下此怒由妾而起  
廷尉之禍由妾而招自古國敗家喪未始不由婦人  
妾每覽古事忿之不忘何意今日妾自爲之後人觀  
妾猶妾之視前人復何面目仰侍巾櫛請歸死北堂  
以塞陛下誤惑之過聰覽之色變曰元達忠臣以劉  
后疏示之

前趙錄

徐惠妃以太宗勤兵又營繕相繼上疏諫曰珍玩伎

奩史卷四十五

四

巧乃喪國之斧斤珠玉錦繡寔迷心之醜毒作法於  
儉猶恐其奢作法於奢何以制後

女世說

遼道宗好獵蕭后上疏曰頃見駕幸秋山單騎從禽  
深入不測倘有絕羣之獸果如司馬所言則溝中之  
豕必敗簡子之駕矣願遵老氏馳騁之戒用漢文吉  
行之旨

遼史拾遺

宋徽宗鄭后好覽書奏疏文皆能自製

女世說補

丁季淵婦張夫人作討李賊檄顧若璞以爲孔璋讓

其英挺實王失其峻烈

今世說

婦人集注夫人名

班昭博學高才漢帝數召入宮每有貢獻異物詔作

賦頌

薛瑩後漢書

左芬善屬文晉武帝重其辭藻方物異寶必詔芬為

賦頌屢獲恩賜焉

事文類聚

咸寧二年納悼后左芬受詔作頌

晉書

左芬有芍藥花頌鬱金頌菊花頌

左貴嬪集

傅統妻王屬文遇諸花木輒為之頌

天利殿御覽

劉臻妻陳氏聰敏能屬文嘗正旦獻椒花頌

晉書

謝道韞論語贊曰衛靈公問陳於孔子孔子對曰俎

豆之事則嘗聞之軍旅之事未之學也庶則大矣比

德中庸斯言之善莫不歸宗籛者垂本妙極令中嗟

奮兒卷四十五

五

我懷矣興言攸同

彤管遺編

左芬有楊皇后登祚贊

左貴嬪集

元微之聞薛濤名因奉使見焉微之矜持筆硯濤作

四友贊畧曰磨潤色先生之腹濡藏鋒都尉之頭引

書煤而黯黯入文囿而休休微之驚服

然菴餘筆

方孟式字如耀張含之妻也與孫氏婦鄭翁氏婦吳

以篇詠相往復如耀刻初蘭閣集兩婦作序其文縱

橫辨博殊為閨房吐氣吳名慧鏡

淑秀集

錢涓字裴文著抱雪吟自為序

抱雪吟

沈瓊蓮善屬文宋孝宗嘗試守宮論沈發端云甚矣

秦之無道也宮豈必守哉上悅擢爲第一 西吳枝乘

唐太宗崩徐賢妃哀慕發疾爲連珠以見志 唐類函

柳下季死妻自作誄門人不能增損一字 澄懷錄

柳下惠死門人將誄之妻曰將述夫子德耶二三子

不若妾之知之乃爲誄曰夫子之信誠與人無害兮

嗚呼哀哉魂神泄兮夫子之謚宜爲惠兮 列女傳

司馬相如死文君爲誄傳於世 女俠傳

萬年公主薨帝悼痛不已詔芬爲誄其文甚麗 晉書

左芬有武元皇后誄 左貴嬪集

張愈有高操妻蒲氏名芝賢而文愈卒妻爲之誄其

奩史卷十五

六

佳句云脫簪散髮眠雲聽泉有峰千仞有溪數曲又

云嶺月破雲秋霖洒竹情意何窮真心自得數語足

寫高人逸致 女世說補

陸卿子爲祖母卞太夫人作誄典雅可誦 列朝詩集

陳後主薨沈后自爲哀詞文甚酸楚 太平御覽

徐悱卒妻劉令嫺爲祭夫文詞甚悽愴時悱父勉欲

爲哀章見令嫺文遂閣筆 四六法海

李易安祭趙湖州文婦人四六之王者 四六談塵

楊希閔死妻汪氏自撰祭文辭甚悲 晉江志

曹邦傑卒妻張氏作文告祭而自經於柩側 居易錄

熙寧末洛中有人耕獲石碣乃婦人撰夫誌銘君姓曹名禪字禮夫世爲洛陽人三十歲兩舉不第卒於長安道中朝廷卿大夫鄉閭故老聞之莫不哀其孝友睦嫻篤行能文何其天之如是耶惟兒聞之獨不然乃慰其母曰家有南畝足以養其親室有遺文足以教其子凡累乎陰陽之間者生死數不可逃夫何悲喜之有哉丙子年三月十八日卒以其年十月十五日葬於鳳凰山之原余姓周氏君妻也歸君室八載矣生子一人尚幼以其恩義之不可忘故作銘焉銘曰其生也天其死也天苟達此理哀哉何言其生

奮史卷五

七

也浮其死也休終何爲哉慰母之憂

夢花洲閒錄

班婕妤報諸姪書云屬見元帝所賜婕妤書類多華辭至如成帝則推誠謝實若家人夫婦相予書矣故略陳其長短令汝曹自評之

婦女集

司馬相如悅茂陵女子欲聘爲妾文君與相如書曰春華競秀五色凌素琴尙在御而新聲代故錦水有鴛漢宮有木彼物而親嗟世之人兮矜於淫而不悟再與書曰朱絃斷明鏡缺朝露晞芳顏歎白頭吟傷離別努力加餐無念妾錦水湯湯與君長訣相如乃

止

女世說

趙飛燕爲皇后其女弟在昭陽殿遺飛燕書曰今日  
嘉辰貴姊懋膺洪冊謹上襪三十五條以陳踊躍之

志西京雜記

竇元妻別夫書云棄妻斥女敬白竇生卑賤鄙陋不  
如貴人妾日以遠彼日以親何所控訴仰呼蒼旻  
孰白兔東走西顧衣不厭新人不厭故悲不可忍怨  
不可去彼獨何人而居斯處雖尺牘語而韻叶宛然  
實四言古體也少室山房詩藪

秦嘉爲郡掾其妻徐淑作書以遺之云聞嚴裝已辦  
發邁在卽誰謂宋遠企予望之室邇人遐我勞如何

奮史卷四十五

八

長路悠悠而君是踐冰霜慘裂而君是履身非形影  
何得動而輒俱體非比目何得同而不離惟有割今  
者之恨以待將來之歡耳藝文類聚

衛夫人與支法師書衛隨世所學規模鍾繇有一弟  
子王逸少甚能學衛真書筆勢洞精字體道媚女世說

晉徐藻妻陳氏有與妹書淵鑑類函

阮氏與允書陳允禍患所起辭甚酸愴婦人集

安鬱嬪授楊羲書雲林夫人授許長史書武庫琅函

鈕滔母孫氏瓊有與從弟孝徵書蟲天志

長安名伎劉國容與郭昭述相愛後昭述與國容別

國客使女僕賚短書曰歎寢方濃恨雞聲之斷愛恩  
憐未洽嘆馬足以無情使我勞心因君減食再期後  
會以結齊眉

開元天寶遺事

開元中有士人從洛陽道見一女子容服鮮麗泣謂  
曰已非人昆明池神之女嫁劍閣神之子夫婦不和  
無由得白父母故欲送書一封耳士人問其處女曰  
池西有斜柳樹君可叩之若呼阿青當有人從水中  
出士人入京便送書池上果有此樹叩之頻喚阿青  
俄見幼婢從水中出得書甚喜曰久不得小娘子消  
息延士人入謂曰君後日可覓至此如期果有女子

奩史卷十五

九

從水中出授士人真珠一筒

補件兒小名錄

楊貴妃書寢覺見白鳳銜書自空而下受其書白鳳  
卽飛去貴妃披讀之其略曰勅謫仙子楊氏爾居玉  
闕之時常多傲慢謫塵寰之後轉有矜嬌罪更愈深  
法不可貸宜令死於人世貴妃極惡之令宮闈間切  
秘此事其書藏玉匣中三日後失之

瀟湘錄

崔氏鶯鶯貽張生書楊巨源見之賦崔娘篇云風流  
才子多春思腸斷蕭娘一劄書

唐詩紀事

烈女竇桂娘爲蠟帛書與陳先奇妻以朱染帛丸如

含桃

樊川集

李季蘭結素魚貽友人云尺素如殘雪結爲雙鯉魚

欲知心裏事看取腹中書

全唐詩話

魚元機以情書與李公子妾

唐詩英華

步非烟者武公業愛妾其比隣趙象窺見心蕩題絕句祈門媼達非煙煙曰我亦曾窺見趙郎大好才貌於是闔戶垂幌爲書以達於象象喜不自持一日功曹直府象乃踰垣見煙俱以喜極不能言遂盡繾綣之意

步非煙傳

李國主歸附後與金陵舊宮人書云此中日夕只以眼淚洗面

吟雲集

奮史卷四十五

十

長夏方喬讀書於種梅館懷思紫竹紫竹忽遺以書其大略云欲結朱繩應須素節泣珠成淚人比鮫人流火爲期聊同織女春風鴛帳裏不妨雁語驚寒暮兩雀屏中一任雞聲唱曉

柳媛記

試鶯以朝鮮厚繭紙作鯉魚函兩面俱畫鱗甲腹下合可藏書以遺遷嘗有詩云花箋製葉寄郎邊江上尋魚爲妾傳郎處斜楊三五樹路中莫近釣魚船此貞觀中事也

元散堂詩話

姚月華得楊達書有密語者伏讀數十遍燒灰入醇酌飲之謂之款中散

柳環記

丁渥在太學夢歸家見妻於燈下爲書寄生生日我已至矣何用書爲妻但揮淚而不答又於別幅見詩一首云淚濕香羅帕臨風不肯乾欲憑西去雁寄與

薄情看後旬日得書并詩皆夢中所見

雲齋廣錄

崔球爲太學生苦學不歸一日晝夢到家見其妻正寫字呼之不應與之言不答眠其所書乃詩也曰數日相望極須知意思述夢魂不怕險飛過大江面旣覺歷歷記之數日書至其妻寄此詩一字不差驗其寫詩日乃球得夢日也

古今詩話

雲溪友議所載

趙長卿買一妾教之寫字讀書命名文卿元約三年

奩卷四十五

十一

交卿不忍捨去厥母堅索之後失於一農夫常常寄聲或片紙數字問訊

惜香樂府

夫前東坡詩

郭暉寄妻問誤封白紙去妻得之寄一絕云碧紗牕

下啟緘封尺素從頭徹尾空應是仙郎懷別恨憶人

長在不言中

巖下放言

女世說吳仁叔業太學與妻韓氏札啟視止自幅遂題云云

嘗見燕山軍民妻寄夫書一紙別無他語止詩一篇

云垂楊傳語山丹你到江南艱難你那裏討箇南溟

我這裏嫁箇契丹

拊掌錄

不肯薄情西毛佩

管夫人與中峰和尚書稱弟子管道昇

鐵網珊瑚

謝美人製魚書一時傳誦

文苑真珠

管道昇

江南女優趙天錫遊粵西見嬖士酋酖夫而襲其官  
曾與舊知書媚婉纖弱全是黛奩本色

萬歷野獲

寧國公主下嫁梅殷及燕王卽位殷尙擁兵淮上帝  
迫公主齧血爲書投殷殷得書還京

梅花渡異林

濱州女子與書生約爲婚姻父母欲別內壻女以帛  
書屬魚書生烹魚得書遂往諧約

漁洋山人集

張太室渡河買得大鱸魚剖其腹得紅錦袋一枚中  
藏真珠一琲金約指四玉條脫一牛黃九子一紅甲  
二片香藥一裹又私書一紙詞甚悽惋似是婦人欲  
寄所私不遂投河死而入魚腹也

池北偶談

奢更卷四十五

十五

女郎徐元象字竒孺黃州人張楚偉配詩文有儔才  
其京口寄父書云兒自襁褓未離掌膝江頭道別意  
緒凄然舟行風水便利遂達京口江南佳麗過眼成  
陳廣谷大州靡能記憶舅氏出鮑明遠大雷岸與妹  
書與兒讀之如賦如頌蓬牕瑣瑣恨不能竟所思官  
舍清華几案如滌挑燈夜坐日起奉甘旨晨昏懇切  
切耳阿爺阿母無恙四時之序成功者退山林觴詠  
幽情暢遂何必紆拖青紫乃稱貴乎

居易錄

吳妓詹愛雲寄所歡書全用曲牌名

剪燈新話

燕山軍民有族嬪陳氏因諸子宦遊未歸合族姪大

琮代作書寄其子因口授云孩兒要要劣奴子又聞  
閱霍霍地且買一柄小剪子來要剪脚上骨出上聲

胘音支兒也大琮遲疑不能下筆嬉笑云元來這

厮兒也不識字聞者哂之又京師有營婦其夫出戍

嘗以數十錢托一教學秀才寫書寄夫云窟賴兒娘

傳語窟賴兒爺窟賴兒自爺去後直是忔憎每日恨

入特特地笑勃騰騰地跳天色汪去聲囊不要喫温吞

聲入聲囑託底物事秀才沉思久之却以錢還云你且別

處倩人寫去軒渠錄

黃華雙手能寫三牘或楷或草各自有意志奇

奮史卷四十五

三

姚氏女月華與楊達相愛各以尺牘往來耶孃記

張芸叟臨江而居其妻遺一素綾鯉魚首尾宛然腹

藏短牘但未畫鱗甲耳芸叟試爲點染便躍入江中

不知所之子真畫譜

宋遷以霞光賤裁作小番長尺廣寸實素魚錦囊中

遺試鶯謂之新尺一採蘭雜志

田田錢錢辛棄疾二妾也皆善筆札常代棄疾答尺

牘書史會要

易安居士有投內翰綦公崇禮啟清照啟素習義方

龐明詩禮近因疾病欲至膏肓牛蟻不分灰釘已具

嘗藥雖存弱弟應門惟有老兵旣爾蒼皇因成造次  
信彼如簧之說惑茲似錦之言弟旣可欺持官文書  
來輒信身幾欲死非玉鏡架亦安知僮僂難言優柔  
莫決呻吟未定強以同歸視聽才分寔難共處忍以  
桑榆之晚節配茲駟僮之下才身旣懷臭之可嫌惟  
求脫去彼素抱璧之將往決欲殺之遂肆侵凌日加  
歐擊可念劉伶之助難勝石勒之拳局地扣天敢效  
談娘之善訴升堂入室素非李杰之甘心外援難求  
自陳何害豈期末事迺得上聞取自宸衷付之廷尉  
被桎梏而置對同凶醜以陳詞豈惟賈生羞絳灌爲

奮兒卷四十五

十四

儕何啻老子與韓非同傳但祈脫死莫望償金友凶  
橫者十旬益非天降居囹圄者九日豈是人爲抵雀  
捐金利當安往將頭碎壁失固可知寔自繆愚分知  
獄市此蓋伏遇內翰承旨搢紳望族冠蓋清流日下  
無雙人間第一奉天克復本緣陸贄之詞淮蔡底平  
寔以會昌之詔哀憐無告雖未解驂感戴鴻恩如正  
出已故茲自首得免丹書清照敢不省過知慙捫心  
識媿責全責智已難逃萬世之譏敗德敗名何以見  
中朝之士雖南山之竹豈能窮多口之談惟智者之  
言可以止無根之謗高鵬天鷄本異升沉火鼠冰蠶

難同嗜好達人共惜童子皆知願賜品題與加澆洗  
誓當布衣蔬食温故知新再見江山依舊一瓶一鉢

重歸畎畝更須三沐三薰忝在葭莩敢茲塵瀆按易  
安再適張汝舟竟至對簿啟在臨安作也

雲麓漫鈔

長安婦女有好事者曾於侯家觀綵箋曰一輪初滿

萬戶皆清若乃狎處衾帷不惟辜負蟾光竊恐嫦娥  
生妬涓於十五十六三宵聯女伴同志者一茗一爐

相從卜夜名曰伴嫦娥凡有冰心貯垂玉允朱門龍

氏拜啟

黎珠藩餘

孫文恪娶於楊諸子登進士榜者四人皆楊夫人教

### 奮兒卷四十五

五

之夫人精帖括斷決不爽

靜志居詩話

會稽女子商婉人能爲制舉文字嘗評沈疇芳文一

卷沈贈詩云細筆猩紅絕妙辭掃眉牕下拜名師從

來玉秤稱才子樓上昭容字婉兒

梅花草堂筆談

胡楨妻張氏通制舉業楨作文輒就之評隲

居易錄

吳芳華嘉興女制藝極工近隆萬人

別裁集

線娘夏邑士族女也工於帖括

諧鐸

奮史卷四十六

東吳王初桐于陽篋述

北平劉翰周東屏校刊

文墨門四

書法

後漢竇皇后六歲能書

北堂書鈔

書法蔡邕受於神人而傳崔瑗及女文姬文姬傳鍾

繇衛夫人 粧樓記

蔡邕女工書

墨池編

語林文姬真草俱精

衛夫人名鑠字茂漪廷尉展之女弟恒之從女汝南

奮見卷四十六

太守李矩之妻也玉右軍師之

書斷

衛夫人書如碎玉壺之冰爛瑤臺之月宛然芳樹穆

若清風

金壺記

書品衛夫人中之上續書品稱夫人上昂下

娥弄影又若紅蓮映水碧沼浮霞

古今書評

衛夫人曰學書者執筆為先真書者一寸二分行草

書去筆三寸一分點畫波撇屈曲皆須盡一身之力

送之

筆陣圖

王子敬年五歲衛夫人書大雅吟賜之

西溪叢語

衛恒衛夫人從姊書如插花美女舞笑鏡臺

墨藪

恒夫人書如快馬入陣屈伸隨人 古今書評

郝氏羲之妻也甚工書 在窮記

王獻之妻謝道韞亦工書甚為舅所重 晉中興書

謝道韞書雍容和雅芬馥可玩 後書品

中品下謝道韞 續書品

李夫人書猶帶古風 書品

王洽妻荀氏郝愔妻傅氏王珉妻汪氏孔琳之妻謝

氏俱善書 墨池編

天台智者有中藤紙一墮六朝沈后書 南唐紀談

隋煬帝后沈氏有書一紙署婺華字 述書賦注

奮尺卷四十六

二

唐高祖竇后善書與高祖書相雜人不能辨 女世說

劉秦妹善臨蘭亭及西安帖足奪真蹟 粧樓記

龍興寺則天皇后置有則天皇后御書額 吳地記

唐安公美政頌石壁寺鐵彌勒像頌皆房璘妻高氏

書其筆畫道麗不類婦人所書 集古錄

白樂天女金鑾十歲忽書北山移文示家人樂天方

買終南紫石欲開文士傳遂輟以勒之 豐寧傳

女仙吳彩鸞書龍鱗楷韻天寶八年製後有柳誠懸

題云彩鸞世傳謫仙也一夕書廣韻一部卽鸞於市

稔聞此說罕見其書數載勤求方獲斯本觀其神全

氣古筆力遒勁出於自然非古今學人可及也

玉堂嘉話

吳彩鸞書切韻一本字畫尤古

雲煙過眼錄

迎祥寺有彩鸞書佛本行經六十卷

珍席放談

宇文廷臣家有吳彩鸞玉篇鈔書一先為二十三先

二十四仙不可曉

研北雜志

樓鑰跋吳彩鸞玉篇鈔云始予讀文簫傳言吳彩鸞

書唐韻事疑其不然後於汪季路家見之雖不敢必

其一日可辨然亦竒矣茲見玉篇鈔則又過之尤可

寶也又今玉篇惟越本最善末題吳氏三十一娘寫

楷法殊精豈亦彩鸞之苗裔耶

攻媿集

奎史卷四十六

三

彩鸞不知何許人楷書唐韻近類神仙吳彩鸞慕吳

彩鸞故名彩鸞

書史會要

唐韻卽女仙吳彩鸞所書南村所云似屬二人

居易錄

彩鸞於福聖院寫法苑珠林百二十軸

皇華紀聞

曹文姬本長安娼女資質艷麗尤工翰墨為關中第

一時人號為書仙長安豪士輸金求為偶者無算女

曰欲偶吾者必先投詩吾自擇有任生投詩曰玉皇

殿上掌書仙一染塵心謫九天莫怪濃香薰骨膩霞

衣曾惹御爐煙女得詩大喜曰此真吾夫也遂以為

偶五歲後忽曰吾本上天書仙以情謫居人寰二紀

吾欲歸子可偕行俄聞仙樂飄空朱衣吏持一玉版  
曰李長吉新撰白玉樓記就天帝召汝寫碑女與生  
拜命舉步騰空而去 麗情集

徐州伎馬盼甚慧麗能學蘇軾書得其彷彿軾嘗書  
黃鶴樓未竟盼竊效軾書山川開合四字軾見而大  
笑略爲潤色不復易之今碑中四字盼筆也 女世說

憲聖慈烈皇后博習書史妙於翰墨帝常書六經賜  
國子監刊石稍倦卽命后續書人莫能辯 書史會要

耕織圖流傳人間遂段下有憲聖慈烈皇后題字皇  
后姓吳配高宗書絕相似 太平清話

奩兒卷四六

四

憲聖慈烈吳太后居宮中時嘗臨蘭亭 蘭亭考

吳皇后所臨蘭亭帖佚在人間韓世忠得之表獻上

驗璽文知是宮中臨本命刊於石 中興小錄

楊太后通經史能小王書 西湖見聞錄

宋故事禁中御批皆內夫人代書 霏雪錄

每日賜太子玉食批司膳內人所書也 隨隱漫錄

劉武備赴召記歲月於柯山仰高亭上末云侍兒意

真代書 清波雜誌

宋淑真手書璿璣圖卷字法妍嫵紹定三年春二月  
望後三日錢塘幽棲居士朱淑真書首璿璣變幻四

小篆後有小朱印

池北偶談

官伎王英英善筆札學顏魯公體蔡襄教以筆法晚

年作大字甚佳

隱居詩話

翠鎖亭有魏玉妃題字尙新

晞髮錄

余似妻趙夫人筆墨灑落類薛稷常書似所作於英

州金山寺壁大徑四寸真奇蹟也

紫桃軒雜綴

鉅野縣有穠芳亭邑人秋成報祭所也一日鄉者謀

立石延士人王維翰書穠芳亭三字未至有伎謝天

香以裙裾當筆書穠芳二字而維翰至書亭字以完

之如出一手王謝遂爲夫婦

曹州志

### 倉史卷五

五

歌人盼盼姓馬氏善書死葬鳳凰原

慶湖遺老集

徐僊名清字靜之蓬萊女官也下西里王氏詩作謝

體書效黃魯直妍妙可喜

後山集

元仁宗嘗命管夫人書千字文勅送秘書監裝池收

藏曰今後世知我朝有善書婦人

堯山堂外紀

管夫人手寫璿璣圖詩五色相間筆法工絕

居易錄

陳晦叔子婦桐廬方氏善臨蘭亭

蘭亭考

翩翮字法道媚又能左右手正反雙下

曲中志

洪武壬子選蘇杭民間婦女通曉書數者入宮給事

得四十四人比至試之可任者纔十四人乃留之賜

金贍其家餘悉遣歸叔宮舊事

慈壽寺寶藏閣係慈聖皇太后御筆題燕都游覽志

慈壽寺寧安閣扁慈聖手書帝京景物畧

香山來青軒扁慈聖皇太后御書菊隱紀聞

盱江驛舍中有婦人書一憶字筆勢姿媚招山小集

張天駿有廝養婢善書觀者咄咄稱賞考槃餘事

馬芷居名閨卿陳魯南夫人書法蘇長公彤管新編

梁小玉八歲摹太全帖極工淑秀集

楊盤石女弟博學能文書法自成一玉臺集

龐蕙纒工臨池筆法道勁能書扁額唾香閣集

奮史卷四六

六

河東君作書得虞褚法觚牘

邢慈靜書體頗類其兄子愿無聲詩史

葉小鸞綠牕靜處日臨洛神賦藏真帖一遍葉小鸞傳

葉統統書法道勁有晉風午夢堂集

周炤性敏給知書歸漢陽李雲田李愛客遊嘗攜炤

殘箋數幅以示友人人無不色飛者周寶鐙傳

膠州宋方伯子婦姜淑齋自號廣平內史善臨十七

帖筆力矯勁又高密單某妾學右軍楷書似黃庭遺

教二經二人皆髻鬢女子也池北偶談

韓聖秋姬人好臨摹晉唐人法帖獨廢鍾書韓詰所

以對曰季漢正統關侯忠義而斥以賊帥狂諄甚矣  
書雖工抑何足道 居易錄

女史瓊如擘窠大書李白登華山落雁峰云云凡三  
十三字筆勢飛動末題瓊如二字小印同 居易錄

黃石齋配蔡氏工書書法與石齋亂真 居易錄

上中晉羊銜母蔡夫人正書上下晉庾亮妻苟夫人  
篆隸北齊魏夫人正行 九品書

高宗吳皇后親翰墨尤愛蘭亭作小楷 蘭亭博議  
宛叔行楷特工能於瘦硬中逞姿媚 靜志居詩話

商婉人工楷法常訪吳彩鸞唐韻作二十三先二十

倉史卷四六

七

四仙沈桐芳題云簪花舊格自嫣然顥顥明珠貫作  
編始識彩鸞真韻本廿三廿四是先仙 梅花草堂筆

麗人薛素素書法黃庭小楷最工 艷雪齋書品

沙嫩字未央工楷書 姚旅露書

黃媛介楷書仿黃庭經 無聲詩史

則天后行書駸駸稍能有丈夫勝氣 宣和畫譜

薛濤雖失身卑下而有林下風致作字無女子氣筆

力峻激其行書妙處頗得王羲之法 古今書法苑

皇甫規妻善草書時為規答書記人嘆其工 倉艷

陳晦叔子婦桐廬方氏善作草書 畫繼

安福郡主寧靖王之女工草書 桂華集

皇甫規妻馬夫人工隸書 墨數

衛夫人隸書尤善規矩鍾公 書斷

蕭衍郗后善隸書 墨池編

魏夫人能隸書 南嶽魏夫人傳

蔡文姬言割程隸字八分取二分割李篆字二分取

八分于是為八分書 書苑

萬夫人工八分書 樊榭山房集

臨川公主唐太宗女也下嫁周道務工篆籀 墨池編

越國夫人王氏篆隸有古法 真蹟日錄

奩名卷四六

八

王綸女為鬼所憑遂善三十六體天篆後數日如故

皆不能記矣 遺史紀聞

章氏煎友直之女工篆書傳其家學 書史會要

史癡翁妾白雲道人何玉仙工篆書 靜志居詩話

晉陽公主太宗次女也字明達文德皇后所生善臨

帝飛白書人莫能辨 墨池編

薦福寺唐天后飛白書額 歷代名畫記

慈聖光獻皇后曹氏善飛白書 飛白叙錄

慈聖曹太后工飛白益習觀昭陵落筆也先人舊藏

一美字徑二尺許筆勢飛動 老學菴筆記

蠶書魯秋胡妻浣蠶所作也 五十六種書法

雕蟲篆者魯秋胡妻所作亦云戰筆書其體道律垂

畫織長旋繞屈曲有若蟲形 墨藪

唐時聖節內人寫金花紅榜子進鳳凰衫 野客叢書

慈仁寺市鬻一做刺大書客氏拜三字 池北偶談

王母使九天元女以符授黃帝遂克蚩尤 西王母傳

元女授黃帝兵信神符制伏蚩尤 龍魚河圖

大禹導江神女授禹玉篆靈符 滇行紀程

玉晨道君授夫人雙珠月明神虎之符 南岳夫人傳

靈昭李夫人帶神虎符 登真隱訣

匱史卷四十六

九

鐫刻

錕閣女子韓約素者梁千秋之侍姬也千秋以能印  
稱韓初學篆遂能鐫頗勝梁氏故世之得約素章者  
往往重於千秋云 印典

韓約素善鐫圖章性喜佳凍人得錕閣章皆珍秘之

粉影脂香猶繚繞小篆間 周亮工印人傳

劉公猷女姪名合佑篆刻臻妙欸曰潁川女士 居易錄

左思嬌女詩握筆利彤管篆刻未期益 玉臺新詠

倉史卷四十七

東吳王初桐于陽篋述

武林馬履泰叔安校刊

文墨門五

畫畫

畫嫖舜妹也畫始於嫖故曰畫嫖畫史會要

吳王趙夫人趙達之妹善書畫歷代名畫記

蘇蕙織錦迴文詩所傳舊矣故少常沈公復傳其畫

由是若蘭之才益著北牕炙輶錄

蜀皇后金氏年十六姿容絕世兼擅繪事十國春秋

倉史卷四十七

尚衣夫人劉氏畫用奉華堂印有宮衣添綫圖枚卜

圖補袞圖宮綉圖繪事備考

和國夫人王氏顯恭皇后妹也善字畫能詩章兼長

翎毛每賜御扇即翻新意衍成圖軸多稱上旨畫繼

牧羊圖曹夫人所畫天台集

書畫有宗婦曹氏蓼岸圖高宗幸張府節次略

樂天琵琶行李易安嘗圖而書之宋學士集

王美人有海圖障子益州名畫記

戴楓仲藏管夫人道昇小畫一幅有細書十字云山

迴新綺閣竹掩舊朱門歐餘漫錄

韓夢雲見遺骸而掩之其夜獨宿忽聞異香滿室一  
麗人已立燈下斂衽而拜曰感君厚德作小圖用伸  
寸報遂出袖中彩障一軸以遺夢雲萬鳥鳴春集

李因字今生一字是菴號龕山女史畫摹大小米具  
體而微所謂以煙雲供養也名媛詩緯

閨秀下元文有百柳園看小韞妹學畫之作本事詩

梁夷素武林女子工詩畫陳眉公比之爲天女花雲

孫錦非人間所易得繪事擷英集

閨秀朱柔則有寄外沈用霽畫卷玉池生稟

黃石齋配蔡夫人常作瑤池圖遺其母繪事備考

畫史卷四十七

二

遲熾妾善畫凡熾畫皆出於妾手畫微錄

崔子忠一妻二女皆能畫摩挲指示共相娛悅書影

望遠圖十三歲女子所繪迎陵文集

盧允貞字德恒倪文毅公夫人白描精妙有九歌圖

璇璣圖二卷丹青志

黃媛介畫似吳仲圭而簡遠過之無聲詩史

媛介嘗畫小幅自題云嬾登高閣望青山愧我年來

學閉關淡墨遙傳縹緲意孤峰只在有無間池北偶談

吳菴仙名琪善畫本事詩

姚月華筆札之暇時及丹青花卉翎毛世所鮮及嘗

爲楊生畫芙蓉匹鳥約略濃淡生態逼真楊喜不自持  
覓銀光紙裁書謝之

菽樓雜抄

宗婦曹夫人善丹青作臨平藕花圖

續龍跋說

陳晦叔子婦桐盧方氏作梅竹極清遠

畫繼

管夫人嘗入觀宮中寫梅稱旨

簪雲樓雜記

管夫人性喜蘭梅下筆精妙不讓水仙有時對庭中

修竹亦自興至不能自休

丹青記

李夫人名玉規號澹軒宋黃朴之女善畫蘭撫琴爲

孫榮文作九畹圖若與蘭爲知聞也

秋澗集

楊璆姬遊戲丹青得九畹生態時稱逸品

曲中志

畫史卷七

三

徐翩翩金陵伎善寫墨蘭

無聲詩史

趙靈均婦文俶性明慧所見幽花異卉小蟲怪蝶信

筆渲染皆能摹寫性情鮮妍生動圖得千種名曰寒

山草木昆蟲狀

敬禎野乘

文俶有花果百蝶寫生冊俶爲趙凡夫媳凡夫與婦

陸卿子工於詞章翰墨偕隱寒山俶又能點染寫生

自出新意畫家以爲三百年來獨絕

本事詩

文俶字端容徵明之孫女趙宦光子婦也有寫生花

鳥十二幅極妍盡態中落花游魚尤蕭灑

居易錄

端容妙於丹青楚訓九歌天問等皆有圖江上女子

周禧善畫人物花鳥亦嘗畫楚詞九歌九章其妹與之頡頏

池北偶談

文俶設色畫本草一部曲臻其妙江陰周榮公二女

淑祐淑禧臨之亦成絕品

靜志居詩話

閻再彭姜姬畫蘭有姬自題云時莫生雲卿在座更

助筆墨之興

本事詩

李三隨字無塵一字居貞汴曲中人能為詩畫蘭有

逸氣

明志軒雜志

沈宜謙之女嫁楊伯海善寫生工折枝花

采真集

孫夫人永嘉人善寫梅寒梢粉瓣逗月凌霜皆從筆

奮兒卷四七

四

花漬出但少香耳

無聲詩史

玉京道人畫蘭好作風枝婀娜一落筆十餘紙婢柔

柔承侍視席間如弟子然

梅村集

下玉京畫蘭枝葉縱橫墨瀦淋漓其妹曰敏亦善畫

蘭止寫篠竹枝蘭草二三朶而已

板橋雜記

楊妍字步仙舊院歌伎也善畫叢蘭竹木

本事詩

李陀娜郭舜璞妾畫水仙得趙子固法

海內名家工畫能事

朱漢雯嘗見家僮輩兩扇一畫梅一畫蘭各書唐人

絕句一首問之乃縣署水夫妻徐蓉所作

池北偶談

李因葛無奇侍姬也工花鳥得陳白陽法嘗刻沈香

爲白陽像奉之畫多蒼老無閨閣氣竹笑軒吟稟跋

李因善花草葛無奇善山水曲房靜几互以繪圖爲

娛無奇嘗語人曰山水姬不如我花草我不如姬無聲

詩史 閩秀周巽須曼閣小稿有題李是菴水墨仕

郭璿字璩汝畫學文似花草爲吳中第一吳郡丹青

喬美人畫蘭一幅上有陳文忠公桐君題詩本事詩

薛素素作蘭竹下筆迅掃意態入神靜志居琴趣

彭西園侍兒畫蘭石於逆旅壁上甚有風致其旁細

字註曰西園侍兒喬施同寫文啟美題其後云令人

羨殺西園老攜得西施共小喬池北偶談

畫史卷四七

五

陳洪綬侍妾胡淨鬢善畫花鳥草蟲靜志居詩話

映然子善書畫長於花草踈落蒼秀畫徵錄

橫波夫人工畫蘭蕙蕭散樂托畦徑都絕婦人集

冒巢民葵姬小字女羅善畫花草翎毛山間集

冒穉疆姬人圓玉女羅畫有水仙圖蘋花戲魚圖球

篋寒雀圖漁洋山人集

馮靜容校書善畫蘭看雲草堂集

陳書號上元弟子善花鳥草蟲游鶴堂畫叢

習忍武進女子也寫生師暉南田法月湖讀畫錄

妓女倩扶華亭人善花草多寫意懸榻編

吳媛字文青號梁溪女史善畫墨荷艷雪齋畫苑

豐質字花安好畫墨蘭學王覺斯法畫志

吳興女子陳小住為朱十畫扇作並頭蓮本事詩

金曉珠有水墨芙蓉茶烟閣體物集

鄧英堂偕妻陳淑蘭各畫蘭竹贈毛廣文毛謝詩曰

閨中清課剪冰純夫寫簞簞婦寫蘭料得圖成愛雙

絕水精簾下並肩看隨園詩話

素蘭保定名妓也善畫蘭因以得名秋燈叢話

李夫人蜀人也善屬文工書畫唐郭崇韜掠得之夫

人以崇韜武人悒悒不樂月夕獨坐南軒竹影婆娑

畫史卷四十七

輒起濡毫摹寫惚楮上明日視之生意具足世人效

之多有墨竹云春浮集

翠翹洪內翰侍人自題畫竹云翠翹戲筆字畫婉媚

程大昌詩戲作風枝斜再惱玉堂宿焦氏說楮

王之才妻崇德郡李氏公擇之妹也能臨松竹木石

見本即為之卒難辨竹派

崇德郡君嘗臨與可偃竹米元章見之云非魯直自

陳不能辨也山谷有題姨母李夫人偃竹圖詩畫繼

越國夫人王氏端獻王之室善寫墨竹真蹟日錄

莫廷韓曾置李易安墨竹一幅太平清話

管夫人諱道昇字仲姬吳興人趙魏公室封魏國夫人有才略聰明過人作墨竹筆意清絕書史會要

趙魏公夫人善書畫吾竹房嘗題其所畫竹石竹房

有一私印是好嬉子三字倒用于跋尾人皆以為竹

房之誤魏公見之曰非誤也這瞎子道婦人會作畫

倒好嬉子

語林

白鶴寺壁有管夫人畫竹

吳興志

天聖寺畫壁趙文敏夫人所繪竹也筆致蕭森殊有

遠韻

管雲樓雜記

管仲姬畫竹卷前書竹賦字清勁瀟灑後書至大元

管仲姬畫竹

七

年四月二日余奉松雪於鷗波亭觀雨頗有清興謂

余曰不可無記遂作此卷

鐵網珊瑚

管夫人畫竹卷長丈餘離披錯落姿態百出與怪石

奔峭相間氣韻生動真奇作也後自題二句云竹勢

撒崩雲觸石應是瀟湘夜雨時皇慶三年秋日作道

昇下方有管氏道昇仲姬二印

居易錄

管夫人云畫竹各有名目生葉處謂之丁香頭三合

處謂之雀爪直枝謂之釵股從外畫入謂之垛疊從

裏畫出謂之迸跳

管道昇墨竹譜

元好問有喬夫人墨竹詩

遺山集

公室封魏國夫

馬湘蘭名守真金陵妓能寫蘭竹蘭仿趙子固竹法  
管夫人俱能襲其餘韻 秦淮四美人傳

吳娟字媚生畫法出入倪米間而得意外之韻寫竹

石墨花標運清遠 繪事備考

吳興幼女嚴靜甫九齡工墨竹有吳荔娘題詩荔娘

亦年十四 隨園詩話補遺

史痴翁姬何玉仙聰慧解畫有白雲繪事一卷葢飛

白竹石也 無聲詩史

董姬學畫作小叢寒樹筆墨楚楚 影梅菴憶語

任才仲妾艷艷本良家子有絕色善著色山水 畫繼

畫史卷四七

八

女郎瑞元頗解琴理能寫山水竹石嘗畫淡雲疎樹

置一草堂其下得空山無人之致 梅花草堂筆談

范珠金陵妓畫山水能對客揮毫 續金陵瑣事

馬芷居善山水白描 海內名家工畫能事

林天素王友雲皆名妓董思白云天素秀絕吾未見

其止友雲澹蕩特饒骨韻李長蘅贈天素詩云美人

閨中秀興會託山水 無聲詩史

范雙玉喜畫山水摹倣大痴有天然氣韻 板橋雜記

葉小鸞能模山水寫落花飛蝶皆有韻致 葉小鸞傳

黃皆令善山水得吳仲圭法 竹嬾畫勝

義烏倪仁吉山水木石

池北偶談

楊慧林字雲友號林下風杭州人工畫山水李漁意

中緣傳奇為慧林作也死葬斷橋智果寺名媛詩緯

秀水吳氏字素聞畫學小李將軍山水亦善士女會

見其浴神圖妙入毫髮

池北偶談

朱柔則字道珠錢塘沈用濟之室用濟遠客不歸道

珠作故鄉山水圖寄之

西泠筆乘

五代婦人童氏工人物嘗畫六隱圖乃畫范蠡張志

和等六人乘舟而隱居者

鐵網珊瑚

童氏畫隱士六人想見其胸次了無脂粉

古今名畫錄

奮史卷四七

九

高宗吳后嘗繪古烈女圖置座右為鑒

宋史

劉妃工畫人物

畫法筆記

仇氏英之女號杜陵內史能人物畫綽有父風

丹青志

周禧人物入妙品

池北偶談

徐湘蘋善畫士女晚年尚畫水墨觀音

畫徵錄

童氏工人物縉紳家婦女往往求寫照

宣和畫譜

崔徽蒲女也裴敬中使蒲中徽一見情動敬中使回

徽以不能從為恨久之成疾自寫其真以寄裴且曰

崔徽一旦不如卷中人矣

麗情集

南楚材旅遊陳穎穎守將欲以女妻之楚材妻薛媛

乃對鏡圖形并詩四韻以寄之曰欲下丹青筆先拈  
寶鏡端已經顏索寞漸覺鬢凋殘淚眼描將易愁腸

寫出難恐君渾忘却時展畫圖看楚材得之甚慙遂

還借老雲溪友議

周炤自寫坐月浣花圖雙鬟如霧烘染欲絕圖尾有

小篆曰絡隱或曰炤又字絡隱云周寶鑑傳

張四教買一婢年十四姿貌甚麗詢其家世曰東鄉

艾氏女也越歲而歿自畫小像一幅留奩箱中張見

之惋嘆懸像別室食必親薦一日羹汗其上夜夢妾

怒詰曰奈何汗我且視之畫已失矣居易錄

畫史卷十七

杜陵內史所畫大士像於慈容瑞穆中別逞妍雅之

致望而知為閨秀之筆丹青志

周淑禧寫大士像一十六幅徐仲醇謂其十指放光

直造盧楞伽筆墨之外繪事攝英集

薛素素手寫水墨大士甚工董尚書見而愛之為作

小楷心經兼題以跋靜志居詩話

桐城方維儀善描大士像陳其年婦人集

方如耀繪大士像得慈悲三昧靜寄集

范景奴繪大士像彷彿龍眠冰玉齋集

昧娘嘗手摹吳道子畫觀音像施於醉香菴女冠觚

坡在餘杭以彩牋作墨竹贈官妓 風月堂詩話

蘇演寫蘭寄王湘雲 史隱錄

孫瑤華金陵曲中妓鑒別古書畫不失毫黍 玉塵新談

松陵易某音古名畫令小女掌之名曰畫奴 觚牘

董姬流離時以書畫捆載自隨 影梅菴憶語

奮史卷四十一

奮史卷四十七

蘇演寫蘭寄王湘雲 史隱錄

孫瑤華金陵曲中妓鑒別古書畫不失毫黍 玉塵新談

松陵易某音古名畫令小女掌之名曰畫奴 觚牘

董姬流離時以書畫捆載自隨 影梅菴憶語

蘇演寫蘭寄王湘雲 史隱錄

孫瑤華金陵曲中妓鑒別古書畫不失毫黍 玉塵新談

倉史卷四十八

東吳王初桐于陽篡述

文墨門六

紙墨筆硯

傳道坤善丹青筆墨楮硯以四婢典之時不停肘其

夫范君研膏拂箋噴噴從史而已無聲詩史

鄧后臨朝禁絕貢獻歲時但貢紙墨東觀漢記

賈后召愍懷太子入朝置於別室遣婢陳舜賜太子

酒三升強之使醉又命小婢承福以紙筆授太子使

書之字半不成后補成之廢太子侍兒小名錄

楊達贈姚月華以筆墨書側理云奉送不律隄糜有

二女侍側問曰不律隄糜何也姚曰楚謂之聿吳謂

之不律燕謂之弗皆筆名也漢人有墨曰隄糜女子

博物有如此者鄭媛記

陳孟賢有侍姬曰梅花居士掌筆墨吳中往哲記

甄后九歲喜用諸兄筆硯兄曰當作女博士耶魏書

霍小玉雅好詩書筐箱筆硯皆霍王家舊物霍小玉傳

皇太后皇太妃筆硯局有筆硯祇候郎君遼史

趙婕妤妬後傳能生子詔封藥二枚赫蹏書曰告傳

倉史卷四十八

能努力飲藥注赫蹏薄小紙也

漢書

衛夫人云紙取東陽魚卵虛柔滑淨者

筆陣圖

張貴妃孔貴嬪裝彩牋製五言詩

箋紙譜

顏令賓居南曲中舉止風流好尚閒雅頗為時賢所

厚歌詩留贈五彩箋常滿箱篋

北里志

崔寧夫人任氏以浣花溪水製箋後薛濤效之

蜀中廣記

薛濤居浣花溪溪邊人多造十色彩箋濤別模新樣

小幅松花箋寄獻元微之元即以其紙寄贈一篇即

錦江滑膩峨眉秀幻出文君與薛濤也

牧豎閒談

薛濤撰深紅小彩箋時謂之薛濤箋

蜀箋譜

奮吳卷四十六

二

薛濤造十色彩箋有松花紙金沙紙襍色流沙紙彩

霞金粉龍鳳紙近年皆廢惟綾紋紙尙在韓偓詩十

樣蠻牋出益州

升菴外集

薛濤十樣牋其目曰深紅粉紅杏紅明黃深青淺青

深綠淺綠銅綠淺雲凡十樣又有松花金沙彩霞流

沙金鳳桃花冷金之別即異其名

成都古今記

元和初薛濤尚松花箋而好製小詩惜其幅大乃狹

小為之名曰薛濤箋

文房四譜

松花牋其來舊矣世以為薛濤箋誤也

資暇錄

薛濤箋亦名蜀牋

洞天清錄

薛濤養紙以芙蓉粉借其色

文房寶飾

成都有畊者得薛濤墓棺懸石室中四圍環以彩牋

無慮數萬顏色鮮好觸風散若塵霧

漱石閒談

雲母箋薛濤箋之遺也

方以智通雅

步非煙趙象以金鳳牋剡溪玉葉紙題詩相贈答水

小牋

非煙授象碧苔牋詩象剪烏絲闌爲回緘

箋紙譜

宗羨思柔姊不見徘徊川上見一大魚浮於水面宗

羨出詩納其口魚吞之卽躍去柔姊聞叩闥聲啓戶

視之惟見彤霞牋一幅宗羨詩也

元散堂詩話

奮史卷四十六

三

霍小玉命侍兒櫻桃褰幃執燭授李生筆硯又取珠  
絡縫綉囊中出越姬烏絲欄素段以授生生素多才  
思援筆成章

侍兒小名錄

謝翱寓居長安一日晚步眺終南峰見一騎馳來近

乃雙鬢駐謂翱曰願郎歸所居入見堂中設茵張

帳帶錦繡輝映頃之有金車至一美人入門與翱相

見曰聞此地有名花故來與君一醉耳卽命酒遞酌

夜闌謂翱曰聞君善詩願見贈翱因命筆賦詩美人

取絳箋寫詩答之筆札甚工遂顧左右撤帷帶命燭

登車翱送至門數十步而沒

宣室志

蜀太后賜張蠙霞光牋五百幅令寫詩以進十國春秋

韋貫夢至宮中有婦人授以牋曰此行波牋煩賦宮

中曉寒 詩話總龜

王瓊奴徐若郎妻未娶時以紅箋一幅遺之瓊奴題

詩荅云茜色霞牋照面頰玉郎何事太多情風流不

是無佳句兩字相思寫不成 名媛璣囊

紫竹與方喬从別覓銀光牋序其悲愁之意 娜嬛記

凡官誥之制后妃銷金雲龍羅紙十七張銷金襖袋

寶裝軸紅絲網金帔樞公主銷金大鳳羅紙十七張

銷金襖袋璫瑁軸紅絲網塗金銀帔樞儀婉容才

舊史卷四十八

四

人貴人美人銷金小鳳羅紙七張銷金襖袋璫瑁軸

紅絲網塗金銀帔樞司言司正尚衣尚食典寶常使

金花羅紙七張法錦襖袋內降夫人郡君團窠羅紙

七張暈銀襖袋宗室婦常使金花羅紙七張法錦襖

袋宗室女素羅紙七張法錦襖袋國夫人錦金團窠

五色羅紙七張暈錦襖袋郡夫人常使金花羅紙七

張法錦襖袋以上至司言司正等皆用璫瑁紫絲網

帔樞郡君縣太君遙郡刺史正郎以上妻並銷金常

使羅紙七張餘命婦並素羅紙七張 春明退朝錄

明宮妃寫金字經多用瓷青紙 容燕雜記

趙燕如金陵名娼也謝友人送吳牋詩云感君寄吳

牋牋上雙飛鵲但效鵲雙飛不效吳牋薄書影

張林夢一女郎授碧玉箋曰此女媧箋也西昌箋史

恭順侯姬人偶有他事違侯意錮別室中姬以小赫

蹠作書叙其辛楚中有長生殿卷中人語侯見之不

解所出典籤曰此玉環崔徽二故實也侯大喜即日

迎歸邸第寵愛如初婦人集

顏室之常令侍女玉碧雲展紙靜志居詩話

曹靜照宮詞椒房領得金龍紙紅蕉集

昧娘以玉篆獅鎮紙佩牋

奮史卷四十八

五

鄂渚女子昭涼詩薛濤牋紙鎮碑礫本事詩

漢王肅居會稽東齋中夜有女子從地出稱越王女

與肅語曉別贈墨一九肅方欲注周易因此便覺才

思開悟墨苑

衛夫人云墨取廬山之松煙代郡之鹿膠十年以上

強如石者筆陣圖

九子墨祝婚者多子之義也祝曰九子之墨藏於松

煙本性長生子孫無邊文房四譜

趙韓王子婦蓐中血運以古墨研服卽愈王彥若墨說

汲太子妻李與夫書云致尚青墨十螺婦人集

薛濤養墨以豹皮囊貴於遠濕

文房寶飾

班女孟含墨一口噴紙皆成文字各有意義

女世說

吳敏有侍兒名遠山美姿能通文理敏每爲文使供

筆硯之役一日有訪之者敏方據案運筆遠山則磨

墨拂紙時服其風流

三朝北盟會編

吳元中起草令婢遠山磨隄廢墨文卽佳

筠廊偶筆

明寧國大長公主所用遺墨半挺上用紫金打成一

口吞之

香祖筆記

常熟時敏知海寧縣事夜草爰書有女子侍側磨墨

問從何來曰鬼也

靜志居詩話

畫史卷八

六

李研齋之繼室曰鍾山秀才浮渲梳頭凝妝特妙每

一出遊則秦淮麗人爭先窺倣其婢墨池性亦明慧

秀才常畫蘭竹輒令墨池以口退墨李詩云别有香

在口莫畏胭脂黑

細膽

予在金陵見墨竹數幅問何人畫曰鍾山秀才也無

何大司馬爲予納聘及歸有媵名墨池問之則以爲

是侍作畫者每畫宜墨之淡俾此女以口受筆退其

墨故名墨池夫之予貧窶秀才之奩物皆爲予盡則

以墨池適於人適之無幾日其家人來言墨池死矣

死之先墨池夢其母撫之曰汝何離秀才汝有墨祿

今絕之矣秀才聞之淚下 李研齋墨池傳

端溪陸氏姬人職司磨墨字曰墨西 香閣四友傳

宮中有娠賜香墨十錠紅羅影金匣 武林舊事

魏武帝劉婕妤以七月七日折琉璃筆 時鏡新書

衛夫人云筆取中山兔毫鋒齊腰强者 筆陣圖

南朝有姥善作筆筆心用胎髮 西陽雜俎

張麴華試陳郭魏紫毫筆書小研紅牋答江令 大業拾遺

記

李白於便殿撰詔詰時大寒筆凍明皇勅宮嬪十人

侍於李白左右令各執牙筆呵之 開元天寶遺事

奮史卷四十八

七

龍女令許漢陽寫江海賦其筆乃白玉為管 博異記

薛濤養筆以硫黃酒濡其毫 文房寶飾

范質母張氏夢人授五色筆而質生 東都事略

故宋宮人藏德壽供奉筆兩枝 研北雜志

左思嬌女詩云握筆利彤管 玉臺新詠

紫姑有詠筆詩 齊東野語

虞櫻桃有翡翠筆牀 瓊臆織志

太子納妃有漆硯 晉儀注

衛夫人云硯取潤澀相兼浮津耀墨者 筆陣圖

謝氏道韞小硯有銘云絲紅清石墨光洪壁資我文

翰玉砮堅質末有道韞字

池北偶談

沈約女有工字硯

耳談

楊貴妃曾為李白捧硯

開元傳信錄

龍女請許商書江海賦用碧玉硯

誠齋雜記

薛濤養硯以文綾蓋貴乎隔塵

文房寶飾

李伯牖女子研銘既非牛渚望夫之石又非上虞幼婦之碑琢為海東節婦之研堅潤而含風漪其以付

伯牖之孤女他日或能衛夫人之筆札曹大家之文

詞鐵網珊瑚

陸漢東有小硯是南漢劉鋹宮中物有鋹宮人離非

奩兒卷四八

八

女子篆銘

池北偶談

晏元獻夫人王氏超之女也元獻婿富鄭公鄭公婿

馮簡文簡文婿朱聖子聖子女適滕子濟俱為執政

元獻有古硯一奇甚王氏舊物也諸女相授號傳婿

硯

揮塵前錄

王霞卿嘗題唐安寺樓粉壁云光啓三年二月登於

是閣時有輕綃捧硯小玉看題

續補侍兒小名錄

士女曹妙清號雪齋有硯名玉帶袍

西湖竹枝詞注

黃華田妻月鹿夫人有研癖曾以千金市十研

西史

顏室之常令侍女喬妙福捧硯

靜志居詩話

歸淑芳詩暮喚蓮蓮滌古硯蓮蓮侍兒名 雲和閣集

硯神曰淬妃 娜嬛記

龍女碧玉硯玻璃為匣硯中皆研銀水 博異記

虞櫻桃有琉璃硯匣是管夫人舊物 瓊廳織志

陸蒙贈女史文英云琉璃硯匣鎮隨身 本事詩

唐制太后皇后皆無印凡封合書太后用宮官印皇

后用內侍省印 通史拾遺

太平公主武氏家玉印四胡字也 述書賦注

宋劉貴妃稱劉娘子專掌御前文字工書畫畫上用

倉史卷四六

九

奉華堂印 清賞錄

劉娘子有奉華大小二印又有閉關頌酒之裔一印

此劉家事然以婦人用之恐不類也 志雅堂雜鈔

寧宗楊皇后有坤卦小圖印 書畫題跋記

楊妹子題馬遠畫有楊娃之章一小方印 呼桓日記

宋姬者宋肅王樞之女也幼戲水濱得玉印一文曰

金妃之印靖康遭掠入金金主強納為妃 可傳集

湯正域女寫梅竹每以父閒菴圖書識其上 珊瑚網

明樂安長公主小印篆刻極精公主光宗女熹宗時

所稱皇八妹者 印戴

熹宗賜客氏金印一顆四爪龍紐玉筋篆文凡九字  
分三行曰欽命奉聖夫人客氏印 酌中志略

徐驚鴻畫扇印文曰徐夫人婦人用男子事巧合 印史

秦淮妓有私印曰同風月平章事 野獲編

冒辟疆姬人金珞蔡舍合畫紅梅玉茗小印文曰書

中有女畫中有詩 續印史

祥符人發一古冢乃東漢馬武妾葬處中有香奩一

具脂粉宛然奩底一小銅印鐫妾莫如三字急就篇

有解莫如之句注云漢有毛莫如 池北耦談

公主印池用金廣取容印公主印篋飾以渾金灑粉

奢史卷四

盤鳳 明會典 金鳳 容明公主印 灑粉以印金鳳

太微天帝授夫人神鳳之章使封山召雲 南岳夫人傳

梁小玉有詠篆章詩 娜孃 樂 戲 文 莫 如 三 字 急 就 篇

蘇林人 鄭 六 古 樂 以 東 莫 焉 短 定 轉 韻 中 亦 香 奩 一

用 亦 大 畫 中 亦 香 奩 一 小 方 印

具 辨 蠶 織 人 金 鳳 蔡 舍 合 畫 紅 梅 玉 茗 小 印 文 曰 書

蔡 雅 效 詩 蘇 州 同 風 月 平 章 事 野 獲 編

符 驚 鴻 畫 扇 印 文 曰 徐 夫 人 婦 人 用 男 子 事 巧 合 印 史

秦 三 行 曰 欽 命 奉 聖 夫 人 客 氏 印 酌 中 志 略

奢史卷四十八 同 一 題 四 爪 龍 紐 玉 筋 篆 文 凡 九 字

奮史卷四十九

東吳王初桐于陽篡述

京口高雲青士校刊

幹畧門太子階其封曰為傳特請王

孟光有力能舉石曰

後漢書

赤土國王飾四婦人如金剛力士之狀夾門而立隋書

嘗見一牛渡河岸陡數人挽之不得上一婦以兩手

持其前兩足曳之起聲色不動見聞錄

乍浦有鐵墩重三百觔偶有姑嫂二人隨從僕勝甚

奮史卷四十九

都似右族豪家來遊其處笑相讓舉之其嫂掇至平

胸十三舉氣色如常其姑舉之又加四焉述異記

西洋婦女以一絲一莖挽運千萬斤重物西洋考

劉遐妻邵續女驍勇有父風遐為石季倫所圍妻單

將數騎拔出遐於萬嶽之中六帖

武后專政越王貞等將起兵以書約駙馬都尉趙瓌

瓌妻常樂公主謂其使曰為我報諸王若是男兒不

應至許時尚未舉動昔隋文帝將篡周尉遲迴是周

家外甥尚能起兵功雖不成猶為忠義鬼况汝諸王

並國親枝今李氏危若朝露而猶豫不發乃使扶義

尉嬰獨美于前乎我雖婦人亦思攘袂女世說

威遠州婦人勇捷走險如飛南詔通記

花山賊三十六人內一婦人尤勇捷縱橫出沒畧無

忌憚殺傷官兵無數三省撥兵不能收捕輟耕錄

蜀先主孫夫人權妹也才捷剛勇有諸兄之風侍婢

百餘人皆執刀侍立先主每入心常凜凜法正傳

賈充前婦是李豐女豐被誅離婚徙邊後遇赦得還

充先已取郭配女武帝敕聽置左右夫人李氏別住

外不肯還充舍郭氏語充欲省李充曰彼剛介有才

氣卿不如不去郭氏于是盛威儀多將侍婢既至八

奩卷四十九

二

戶李氏起迎郭不覺脚自屈因跪再拜世說新語

韓蘄王夫人京口娼也蘄王納之後封兩國夫人蘄

王嘗邀兀朮於黃天蕩夫人親執桴鼓金兵終不得

渡一夕兀朮鑿河遁去夫人奏疏言世忠失機縱敵

乞加罪責舉朝爲之動色其英偉如此鶴林玉露

宋黃平州宣娘有武畧嘗領兵營于黃平今城北有

宣娘壘貴州通志

齊鬱林王何妃與侍書馬澄鬪腕較力南北史合注

李超以武技聞偶見一少年尼弄藝於場觀者填溢

李技癢因騰一蹶去尼駢五指下削其股李覺膝下

如中刀斧蹶仆不能起輿歸股已斷矣續野人閒話

登州富室鄭某娶媳土寇于七率眾而往舉家惶懼

新婦曰久聞君名願與爲戲于笑令健兒與新婦角

婦捷如飛隼一轉瞬而健兒皆北于忿甚投袂躍出

相持僅數合遽顛仆於地泥首踉蹌而去彈園雜志

元女戰經一卷元女兵法四卷隋書經籍志

虞潭征蘇峻潭母孫氏盡發家僮令隨潭助戰質其

所服環珮以爲軍資晉書

馮寶妻洗氏知兵會高州刺史李遷仕反洗氏曰遷

仕無能爲也宜遣使詐之曰身未敢出欲遣婦往奈

奮史卷四九

彼必無防慮我將千餘人步擔雜物唱言輸賊得至

柵下賊亦可圖遷仕果喜不設備擊之大捷女世說

女子善將兵者有保寧洗氏陳氏雜應刺言

石勒妻劉氏有膽畧勒與之參決軍事佐勒建功勛

十六國春秋

唐高祖起兵女平陽公主夫柴紹欲往慮不能偕主

曰公行矣我自爲計遂發家貲招凶命得數百人諸

賊皆來會乃申法誓檄遠近咸附勒兵七萬威振關

中與紹對置幕府號娘子軍南部新書

西川節度崔寧入朝楊子琳襲其城寧妻任氏素曉

果卽出家財十萬募勇士得千人設部隊手自麾兵  
逼子琳子琳大懼而還

舊唐書

竇建德救王世充唐拒之于虎牢建德妻曹氏勸使  
乘唐國之虛西抄關中唐必還師自救此兵機也建

德曰非女子所知

容齋隨筆

李克用妻劉夫人嘗隨軍行軍機多所取益

北夢瑣言

李克用困於上源驛左右先脫歸者以汴人爲變告  
其妻劉氏劉神色不動立斬之陰召大將約束謀保  
軍以還克用歸欲攻汴劉氏曰當訴之朝廷若擅舉  
相攻天下孰能辨其曲直克用乃止

容齋五筆

奮卷四九

四

太祖得猛火油卽選騎二萬欲敗幽州后晒之曰豈  
有試油而攻一國乎幽州城猶無皮樹耳但以三千  
騎伏其旁掠其四野使城中無食不過數旬城自困  
何必如此躁動輕舉萬一不勝爲中國笑吾部落亦  
解體矣太祖乃止

契丹志

太祖圍李筠于澤州筠有妾劉氏謂筠曰城中健馬  
幾何筠曰爾安問爲劉氏曰孤城危蹙破在旦夕今  
誠得馬數百匹與腹心將士潰圍而出保昭義求援  
河東猶愈于坐而待死也筠然之是夕將出或阻之  
筠猶豫不決城遂陷

東都事畧

夏寇之母梁氏引兵至順寧寨圍之數重時寨兵甚少人心危懼有老娼李氏得梁陰襲事甚詳乃登陴抗聲罵之盡發其私夏人皆掩耳併力射之莫能中李言愈醜夏人度李終不可得又恐梁之醜迹彰著遂中夜解去

夢溪筆談

劉仁瞻守壽春幼子崇諫夜泛舟渡淮北仁瞻命斬之監軍使求救於夫人夫人曰妾於崇諫非不愛也然軍法不可私名義不可虧若貸之使劉氏爲不忠之門妾與令公何顏以見三軍趨命斬之然後成喪戰士無不落淚

容齋隨筆

奮史卷四十九

五

蔡城被圍完顏仲德妻率諸命婦自作一軍運矢石城下城中婦女爭出繼之

完顏史記

馬臯被誅間勁周恤其妻一丈青以爲義女後勁說張用歸朝以一丈青妻之遂爲中軍統領有二認旗在焉前題曰關西真烈女護國馬夫人

女世說

遼景宗睿知皇后蕭氏習于軍政澶淵之役親御戎車將士用命

續文獻通考

巳酉仲秋之夜武宗與嬪妃泛月太液池中畫鷁中流蓮舟夾持舟上各設女軍居左者冠羽冠斑文甲建鳳尾旗執泥金畫戟號曰鳳隊居右者冠漆朱帽

衣雪皚裘建鶴翼旂執漚粉雕戈號曰鶴團又綵帛  
結成採菱採蓮之舟輕快便捷往來如飛帝乃開宴  
張樂令宮女披羅曳縠前爲八展舞歌賀新涼一曲  
帝喜謂妃嬪曰昔西王母宴穆天子于瑤池今朕液  
池之樂不減瑤池也惜無上元夫人在坐不聞步元  
之聲耳有駱妃者素號能歌趨出爲帝舞月照臨而  
歌曰五華兮如織照臨兮一色麗正兮中域同樂兮  
萬國歌畢帝悅賜八寶盤玳瑁盞諸妃各起賀酒半  
酣菱舟進鮮蓮艇奉實紫角玉心之奇山聳而至絳  
房金的之異陵壘而來由是下令兩軍水擊爲戲風

奮史卷四九

六

旋雲轉戟刺戈橫戰旣畢軍中樂作唱龍歸河之歌  
而還元氏掖庭記

猗女執兵符者雲韞娘用鄭露爲書記露撰赤雅一

篇記女君天姬隊歌舞戰陣之制靜志居詩話

周沛詩山東有賊紅羅女用兵迅疾如風雨浮峯集

女子爲將軍者晉瑯琊王廡起兵以已女爲貞烈將  
軍悉以女人爲官屬以顧琛母孔氏爲軍司馬時年

已百餘尚能執堅破陣荷亭辨論

楊大眼妻潘氏善騎射嘗自詣軍省大眼至攻戰遊  
獵之際潘亦戎裝齊鑣並驅及還營同坐幕下對諸

寮佐言笑自得大眼指謂人曰此潘將軍也女世說

李全與金兵戰逐北有繡旗劉女將馳槍突鬪全幾

不免金史楊子卮言曰繡旗女將可對錦繡夫人

李全犯揚州為王師擊燼其妻楊姑姑有將畧懼朝

廷必討遂掃衆盡俘執南宮北去梅圃詩話

女子木蘭代父從征身被戎裝凡十三年同火之卒

不知其是女兒獨異志碧湖雜記曰十年而歸

木蘭隋宋州人姓魏氏有志勇代父從征歷年一紀

閱十八戰凱還天子嘉其功除尚書不受奏懇省親

及歸釋戎服衣舊裳同行者駭之聞于朝召赴闕欲

奮發卷四十九

納之宮中木蘭曰臣無媿君之禮遂自盡帝驚憫贈

將軍諡孝烈鄉人立廟祀焉一統志焦氏筆乘曰

韓氏保寧民家女也遭明玉珍亂恐為所掠乃易男

子服混處民間既而果被擄居兵伍中從征雲南往

返七年人莫知為女子也後遇其叔父攜歸以適尹

氏成都人稱為韓貞女玉池談屑

田州女土官瓦氏嘉靖十四年調之征倭至蘇州索

有司捕蛇為軍中食敗倭于王江涇靜志居詩話

四川石柱女帥秦良玉帥師勤王召見賜綵幣御製

詩旌之曰蜀錦征袍手製成桃花馬上請長纓世間

不少奇男子誰肯沙場萬里行

崇禎遺事

良玉忠勇多大畧敗奢崇明於佛圖關破安邦彥於平越功居第一張獻忠僭號四川鑄金印齎之不爲動賊黨無敢入其境者

菊隱紀聞

秦良玉敗羅汝才於夔州斬千餘級奪汝才大纛擒

其渠六人

資治通鑑綱目三編

秦良玉女將掌兵一時無兩

貞勝編

劉夫人名淑南昌人忠烈公鐸之女也盡讀父之遺書笏及禪學劍術孫吳兵法一一精曉歸王次諸次諧天夫人孀居癸未逆闖逼京師傳聞鼎湖之變夫

奮卷四九

八

人乃散家財募死士得數百人併其童僕悉以司馬法部署指揮成陳士卒咸用命然孤軍寡援自念當寇徒死無益會滇帥張某適至聞夫人名請謁夫人開壁門見之流涕爲言滇帥心持兩端不肯赴敵醉後語復不遜夫人怒卽筵間拔劍將斬帥帥環柱走一軍皆驚思反兵相攻威被甲夫人曰殺一女子何甲也然五步之內汝不得恃衆索紙筆賦一詩見志有銷磨鐵膽甘吞劍抉却雙瞳欲掛門之句題畢從容責帥慷慨仗劍指陳大義諸軍聞之無不變色却立者帥悔且懼率其麾下叩首荆請夫人曰婦言不

出關吾爲國難以至於此事之不濟天也將軍好爲之跨馬而去

巢震林史闕文補元玉西樵曰此媛甚奇

阮太沖作女雲臺二卷記古女子婦人建義旗滅盜賊事多至數十百人

因樹屋書影

如骨刺論史異林

王敦反吳郡太守張茂爲敦黨沈充所害茂妻陸氏傾家產率茂部曲先登討充報其夫仇充敗乃詣闕上書爲茂謝不克之責詔贈茂太僕

晉書

謝士岳一

太守馮寶卒冊寶妻洗氏爲高涼郡太夫人賚繡幃油絡駟馬安車鼓吹麾幢旌節如刺史之儀王仲宣反夫人帥師討之披甲乘馬撫巡諸州嶺南悉定封

奮身卷四十九

九

譙國夫人開幕府署官屬給印章便宜行事黎獠匹叛夫人親載詔書自稱使者歷十餘州所遇皆降沒

諡誠敬廟食千年

續表錄異

首氣慨太夫人齊詩賦

丁仲謀妻偕夫至交趾夫爲賊所殺妻於船上得一筓舉以破賊

列女傳

竇文將其夫此女

史記

史思明叛衛州女子侯四娘滑州女子唐四姑青州女子王三娘相與插血赴行營討賊滑漢節度使許

叔冀表其忠皆補果毅將軍

冬夜箋記

數葉賦

寡介地侵掠梁部獲魏衡妻王氏逼而妻之後介地飲酒醉臥王氏取其佩刀斬之賊衆乃散高祖封爲

崇義夫人

唐書

嘯虹筆記作奇義夫人

李毅刺史章州討夷寇戰死衆推其女秀領州事同將士守拔草炙鼠而食之卒破賊時以秀所築城爲

天女城

南詔通記

寨將夫人姓虞唐末黃巢破西衡州虞氏躬被甲胄率兄弟及鄉兵戰禦黃賊遂北虞氏亦死鄉人立廟大有靈應宋嘉定間封顯佑夫人

嶺南名勝志

修容母好善里中盜起闔門惶駭忽一老嫗至曰汝家多陰德盜雖亂吾能匿汝袖中出黑綾二尺製作條于每人令繫一條于臂曰不必備飲食第隨我行

奩卷四十九

十

耳家中一切無所損修容母女隨至一道院老嫗指一神像曰是神慈悲汝等可潛其左耳于是教修容母女閉目負之而入神像亦不大母女處之如一間屋中老嫗朝夕來視神像耳孔僅容指凡飲食至耳孔輒大一日盜突入院中兵器羅列甚利修容從耳孔中窺之甚寒心一夕老嫗持一人頭示修容曰渠魁已斬餘無足慮修容問何不早行之曰雖係盜亂亦天數然吾何敢違天今天命吾斬則斬耳于是用法如前負而出歸至家修容拜以爲師誓修苦行以報德老嫗曰汝仙骨尚微無徒勞也教修容作萬壽

粧歌連遷曲後不知所往修容歸丁元雍也女紅餘志

理宗仁懿皇后蕭氏道宗尊爲皇太后太叔重元反

太后親督衛士擒之遼史

遼后妃往往習于軍旅如應天后之奮擊室韋古所

未有也玉璽集

永樂八年勅涼州都督吳允誠妻曰比韃寇以兵脅

爾爾能守節勵志謀執叛者戮之以婦人而乘丈夫

之節朕甚嘉焉今賜爾綵幣十表粟米百石鈔四千

貫羊百控用示褒嘉

龔山堂別集

補明初天也

土官陶瓚祖母阿曩正統間叛寇入境阿曩率所部

### 卷四十六

七

禦賊斬馘甚多境土以安封太淑人

景東府志勝

德州放馬賊晝劫上供銀州解與捕快呼天泣忽有

夫婦二騎從北來諸捕驚相慶曰保定名捕至矣諸

捕控馬問從何來名捕言進香泰山耳然名捕病甚

其妻一短小婦人以皂羅覆面手抱嬰兒諸捕告之

故哀求相助名捕曰賊幾人曰五人曰余病甚吾婦

往足矣婦下馬抱兒與夫更束馬肚結縛裙鞞攘臂

抽刀長三尺許光若鏡夫言將我箭去妻曰吾彈當

勝箭言未訖身已在馬上絕塵而去諸捕皆奔馬隨

之須臾追及賊騎婦大呼曰我保定名捕某妻爲官

銀故來相索宜急置無當我九也賊言牝猪敢爾五  
弓同發射婦婦以彈弓撥箭悉落地急發一彈殺一  
人四人拔刀擬婦婦接戰揮斥如意復斫殺一人三  
人懼稍却婦曰急置銀昇兩尸去俱死無益也三人  
下馬乞命置銀以二尸縛馬上而逸俟諸捕至昇銀  
而還此婦猶旖旎尋常下馬拜諸捕曰妮子著力不  
健縱此三虜要是裙釵伎倆耳

見只編

武帝時女子乘亭障

紀纂淵海

孫恩陷會稽王凝之被殺妻謝道韞聞寇至舉措自  
若命婢肩輿抽刀立門手殺數人乃被執

通鑑

奩足卷四元

三

姚萇襲苻登營陷之登后毛氏彎弓跨馬率壯士數  
百與戰殺七百餘人眾寡不敵為萇所執萇欲納之  
毛氏仰天大哭曰逆哉萇前害天子今又辱皇后天  
乎天平行取爾地下治之耳遂被害

前秦錄

梁兵圍魏梓潼太守苟金龍抱疾妻劉氏修戰具率  
士人登城拒戰百有餘日戍副高景陰謀叛劉斬景  
及其黨十餘人已外城陷井在城外渴死者多劉氏  
集長幼訴天并時號叫俄而雨澍劉命出公私布絹  
及衣服懸之城內絞而取水所有雜器悉儲之梁卒  
不能克

女世說

荀崧小女灌幼有奇節崧守襄城爲杜會所圍力弱食盡欲求救於故吏平南將軍石覽計無所出灌時年十二乃率勇士數十人踰城突圍夜出賊追甚急灌督厲將士且戰且前竟達覽所請兵又爲崧書與南中郎將周訪訪率三千人會石覽俱救崧賊聞兵至散走

華陽國志

嘯虹筆記作荀瓏女

馮寶妻洗氏趨健善戰每戰則錦繖寶幟至老未嘗

敗年八十而終封石龍夫人

楊子厄言

王若奚妻夏氏有戰功封武威郡夫人

唐書

晏溥妻趙氏靖康初戎服率義士與賊力戰

籀史

奩史卷四十九

三

明皇與貴妃每酒酣使妃于絃宮妓百餘人帝絃小中貴百餘人排爲風流陣以霞帔錦被張之爲旗幟兩相攻擊敗者罰以巨觥

開元天寶遺事

陸夫人好佛嘗夢神人謂曰吾昇汝佳次婦夫人不識所謂後其子一夕被盜明夕小開之三鼓聞後圍相擊聲其子起覘之則後垣已壞殘月中見一女子與一人鬪其人力竭仆地女子提擲去之呼曰賊斃吾手矣吾佳次婦也遂飛去

女紅餘志

川中劉措遇一畫舫中有麗人婢僕森侍及夜蒼頭語措云舟中麗人主人愛妾主人卽此地某官也任

滿將還移眷至此以疾欲暫假棲榻卽掃室欸之一日麗人遣蒼頭告摺曰今夜有仇家率眾相殺萬勿開門及半夜果若數十百人持刃格鬪者清晨視麗人婢僕俱不知所之惟腥血滴瀝階除堂中置金一餅又一帖書四字云留謝高誼見聞錄

朱序鎮襄陽村不圍之序母韓自登城履行謂西北角當先受弊遂領百餘婢并城中女子於其角斜築城二十餘丈賊攻西北角果潰眾便移守新城爲夫入城晉書 湖廣通志作張夫人

魏方俟醜奴反圍岐州孫道溫妻趙氏謂城中婦女

奮吳卷四十九

十四

曰今州城方陷吾輩安歸死苦生辱義在同憂遂相率負土晝夜培城城竟完女世說

鄒保英任刺史寇至城將陷保英妻奚氏率城內女

丁固守賊退封誠節夫人列女傳

李謹行妻劉氏在代奴城韎羯攻之劉氏擐甲率眾

守城賊退封燕郡夫人古元應妻高氏固守飛狐城

卒免爲突厥所陷詔封狗忠縣君唐書

李希烈謀襲陳州李侃欲逃妻楊氏曰城不守則倉

廩府庫皆賊積也百姓皆賊戰士也遂募死士固守

賊遂退紀纂淵海

揚州刺史任城王他出梁將姜慶貞襲之任城太妃孟氏勒兵登陴先守要便激厲文武安慰新舊勸以賞罰將士咸奮太妃親巡城守慶貞乃退

說儲

賊犯沁水張銓妻霍氏躬率僮僕守城矢石並發傷賊甚衆賊退冀北道表之曰夫人城

流寇始末

宋紹定間寇破寧化曾婦晏氏自爲一砦以拒寇鄉人挈家趨砦者甚衆晏又析砦爲五互相應援賊弗能攻凡存活老幼數萬人事聞封恭人

一統志

許夫人聚兵立山寨甚盛周彥榮每至其寨往來許悅之因嫁焉遂闢諸山寨

癸辛雜識

奩史卷四十九

五

馮夫人名嫫漢宮人也乘錦車持節和戎

女世說

漢書西域傳馮夫人和戎事甚奇而六朝唐人無入篇詠者惟劉孝威詩云錦車勞遠駕駱賓王詩錦車朝促候徐堅詩雲搖錦車節而已

升菴外集

梁湘東王嘗出軍有人將婦從者王曰才愧李陵未能先誅女子將非孫武遂欲驅戰婦人徐君禱時爲謔議參軍應聲曰項籍壯士猶有虞兮之愛紀信成功亦資婦人之力

梁文記

王智興破姚海獲美女三人智興曰軍中有女子安得不敗卽斬以徇

爨下語

韋孝寬為元帥每臥帳中遣婦人傳教命五車罪玉

韓宏飾名姝遺李光顏秀曼都雅光顏曰將士皆棄

妻子奈何獨以女色為樂遂遣之雞肋

柴紹軍中使二女子舞容齋隨筆

容齋隨筆記軍中女子數事皆指一人耳按商子云

壯女為一軍又舊唐書云用兵年久女子皆可為孫

吳是全隊用女壬不止如孫武教習而已月鉛總錄

交趾女子徵側及其妹徵貳反徵側者蒼冷縣雒將

之女也嫁為朱鳶人詩索妻甚雄勇交趾太守以法

繩之側怒故反自立為王後漢書

奩史卷四十九

女子作賊者漢交趾女徵貳徵側反擾嶺外六十餘

城唐睦州女子陳碩真反破睦歙二州明永樂時唐

賽兒反雞肋刺言

陳州有一婦人為賊帥號曰白頸鴉其屬數千皆男

子前後有侍夫數十人少不如意皆手刃之能左右

射被雙鞮日可行三百里盤矛擊劍皆所長也後為

兗州刺史玉堂閒話 荷亭辨論曰白頸鴉為契丹

宏治中隆暢妻米魯反所居寨曰承天自號無敵天

皇出入建黃纛明史

奩史卷四十九

卷五十五

東吳王初桐于陽篡述

同里毛大瀛海客校刊

幹畧門二

勇武下

龐娥親者龐君安之女君安為李壽所殺娥親陰市名刀志欲刃壽後以白日遇壽都亭便叩壽馬叱之壽迴馬欲走娥親奮刀斫之傷馬馬驚擠壽道邊溝中娥親就地斫之中樹刀折因前欲取壽所佩刀殺壽壽護刀大呼跳梁而走娥親左持其額右搯其

卷五十五

一

喉反覆盤旋應手而倒遂拔其刀以截壽頭持頭徐步赴獄刺史表上稱其烈義刊碑顯其門閭

漢魏春秋

海曲有呂母者子犯不罪縣宰殺之呂母密聚客以

報讐母家素豐資產數百萬乃益釀醇酒買刃劍衣

服少年來沽者皆賁與之視其乏者輒假衣裘二年

欲相與償之呂母泣曰縣宰枉殺我子欲為報怨耳

少年許諾相聚得數百人因與呂母入海自稱將軍

遂破海曲執縣宰殺之以祭其子家

東觀漢記

孫翊之妻徐氏甚美賊馮覽殺翊欲逼徐氏徐氏乞

至晦日設祭除服覽許之徐氏遂潛使親信者語翊

舊所委任將孫高傳嬰二人具白逼已之狀欲徵立計以求助高嬰等涕泣許之至晦日設祭盡哀畢乃除服薰衣沐浴肉施帷帳以候覽覽遣伺之無復疑慮徐氏命高嬰輩羅住戶外覽入戶徐氏卽呼二君可起高嬰等齊出卽時殺覽徐氏却服縗經使持覽首以祭墓

吳志

謝小娥嫁段居，居貞與小娥父作賈江湖並爲盜所殺小娥夢父告曰殺汝父者申蘭殺汝夫者申春小娥尋訪歲餘得之乃詭服爲男子託傭蘭家見所盜物故在一日蘭醜酒會羣盜蘭與春皆醉小娥斬

奮史卷五十一

二

蘭首大呼捕盜鄉人擒春并其黨皆抵死小娥削髮爲尼

豫章雜記

氏族大全所載畧同

蘭家良史

尼妙寂景氏初竊任華父鼎與華往賈不返妙寂忽夢父曰吾與汝去皆遇盜死矣殺我者車中猴門東草殺汝夫者禾中走一日夫妙寂覺而慟哭遂緇服於瓦棺寺李公佐至寺妙寂以前事問之公佐曰猴申生也車去兩頭而言猴非申字乎門東草非蘭字乎禾中走者穿圍過也一日夫非春字乎殺汝父者申蘭殺汝夫者申春也妙寂悲喜嗚咽乃男服易名泛傭于江湖間聞申村有申蘭遂求傭焉俄又聞其

從弟名春因謹事之一日值二盜醉奔告於州乘醉而獲一問而辭伏就法

幽怪錄

秦女休爲燕王婦爲宗報讐殺人都市

樂府詩集

玉子春被從兄長忻夫妻所害長女甫七歲與二妹寄食親戚家及笄不肯適人乃與二妹中夜持刀入長忻家殺其夫婦以告父墓因詣縣姊妹爭爲謀首縣不能決隋文帝原其罪

趙魏人士

孝女衛無忌其父爲衛長則所殺無忌擊長則殺之詣吏就戮褚遂良以聞太宗嘉其孝烈免罪

唐書

申屠氏名希光嫁董昌爲妻靖康二年大豪六一聞

奩叟卷三

三

其美而悅之乃誣昌重罪強委禽焉希光謬許之密寄其孤于昌之友人乃求利匕首懷之以往成禮入室卽以匕首刺之帳中復殺其侍者二人至夜中詐謂六一卒病以次呼其家人家人先後奔入希光皆殺之盡滅其宗因斬六一頭置囊中馳至董昌葬所祭之悉召山下人告曰以此報董君我死不愧矣以

衣帶自縊

吳丞相手錄

主木見一卒妻美殺其夫而納之寵嬖殊甚术有所佩匕首極利寢則枕之他日方寢此婦取匕首將殺之术覺驚問婦曰將殺汝术曰何故曰欲爲吾夫報

讐木默然久之曰吾不忍殺汝當爲汝別求夫乃盡集諸將使自擇婦指一人卽以嫁之

談藪

與世錄

北京有夫婦攜一幼女來南以賣腐爲業積十餘年蓄貲二百金女年及笄姿色韶艾欲還北擇配乃僦裝同行纔二十里見兩騎挾弓刀覩女貌美強抱上馬疾馳夫婦追及哀號騎拔刀殺之并取二百金復行數十里女見道旁有井伴言口渴索水騎許之遂下馬取水使一人守女一人往高樓中取汲器未及至女躍入井中取汲器者至以汲繩絕一人入井以繩縛女引之出復垂繩引救女之賊井上者方鞠躬

奮是卷五十

四

下視垂手力引女乘勢推之遂併墜女乃跨賊馬奔高樓家訴其故村人齊赴視井果有二賊其一折頸死矣遂引其一出甫上女拔賊刀斷其首橐金咸在衆共報之州守遣驍其父母屍果然夫奇之曰汝父母盡歿吾又無子女汝爲吾女可乎女稽首謝乃迎之入署擇諸生未娶者歸焉益倍其橐

述異記

上

苗萬忤邑豪被豪嫉奴搗斃禹女曰三官年十六忽夜遁半載後會豪誕辰招優爲戲優人孫淳攜弟子李玉往詔秀如好女豪悅之酒闌人散留與共寢玉俟諸僕出闔扉下鍵焉移時聞格格有聲一僕往問

之並無應者呼衆排闥入則主人身首兩斷玉已經  
死衆移玉屍於庭覺其襪履虛若無足解之則素舄  
如鈞蓋女子也商氏二子往視乃三官秋谷雜編

畢著字韜文父守蘊邱與流賊戰死屍爲賊虜著卽

于是夜率精銳入賊管賊正飲酒著手刃其渠輿文

屍還葬時二十歲女子也別裁集 崑山王聖開著歛縣人後嫁

石虎有馬妓著朱衣進賢冠立于馬上走而作書字

皆端正鄴中記

臨川王妾江無畏音騎馬翠氍毹珠羈玉珂金鐙女紅餘志

于闐婦人乘馬馳走與丈夫無異洛陽伽藍記

奮見卷五十一

五

貴妃將乘馬高力士執轡授鞭太真外傳

明皇以七寶鞍賜張后 開元天寶餘事

秦國死號國韓嗣獨盛號國又與國忠亂畧無儀檢

每入朝謁國忠以韓號連轡揮鞭驟馬以爲諧謔從

官媼嫗百餘騎秉燭如畫鮮裝袷服而行不施幃障

觀者無不駭嘆孔氏六帖

虢國夫人出入禁中常乘紫驄黃金爲銜楸錦繡爲

障泥明皇雜錄

萬年縣女子劉凝靜乘白馬著白衣男子從者八九

十人太史令執之以聞唐書

宋初貴主乘馬金鞍勒瑪瑙鞭金撮角紅藤下馬机  
子 錢氏私志

元獻曹太后常作珠子鞍子鞍轡上施紅羅銷金坐  
子賜神宗 平作談苑

公主出降有宮嬪數十皆真珠釵插帛朶玲瓏簇羅  
頭面紅羅銷金袍帔乘馬雙控雙搭 東京夢華錄

妓女習乘驢宣政 同皆乘馬 雞肋集

薛素素少遊燕市與五陵年少竝轡出郊觀者如堵  
梅花渡異林

吳姬十五細馬馱 治錄碎事

查史卷五十一

楊太真上馬圖其上馬時態儼有生色太真及諸姨  
應俱善騎觀麗人行足下何所著紅蕖羅襪穿蹀銀  
又當軒下馬入錦茵可想也 會州四部稟

上元節楊氏五夜遊與廣寧公主騎從爭西市門  
楊氏奴揮鞭誤及公主衣公主墜馬 大真外傳

唐妃騎馬遊西海子馬驚妃墜 中官考

日藝衛借子遊山日暮共跨一驢入城 本事詩

扶南國婦女乘 蕭子顯齊書

吳山黃夫人有一虎名白公出入常騎之 強意堂稿

狼婦最美常繡衣騎牛入市貿易 粵西偶記

劉平成棗陽與其妻胡俱道宿車下平爲虎所得胡起追及之殺仇其夫 松雪齋集

王暉有劉平詩 秋澗集

方寧妻官氏 寧擣田勝娘髓之見一虎方擣其夫

勝娘棄髓奪挺筆之尻舍去 虎苑

長州民妻奮拳連毆斃二虎 見聞錄

吳女名六年十三 吳如 入山采薇遇虎攫姊去六女

操杖心之虎伏首閉目若伏罪狀姊乃脫 異林

威縣其爲虎所撲姉挺鎗刺虎貫腮及胷鋒刃從左

脇而出虎死婦負其夫歸呼救復蘇 古處集

奮吳卷五十

姚母官汲虎銜之去女追掣虎尾虎欲前女掣之益

力尾 脫虎負痛 離去 餘姚縣志

沈明正有大樹村劉氏少婦打虎行 豐對樓集

王山女建德人上 松 旁爲豹所噬女趨救以父所

棄鋤擊豹殺之爰得生 文

東越有大蛇歲必噬重女不則爲禍已用九女偶一

或覓女未 不 小女寄請行以劍斫殺之入穴

得九女髑髏 聘寄爲后 坤元錄

奮史卷五十



